


卷二
傳

昇字行至

康字行傳



列傳

國史所載人物其一焉忠節循吏在所首推而儒林亦與其列然知人者以目正耳不知人者以耳敗目則述往事思來者所當譽必三周也可勿慎哉夫家乘猶國史也始祖濂溪公挺生有宋倡明道學前接孔孟後啓程朱有俾世教者所關甚鉅載在國史誠千古不沒也自有宋迄明稱一世之雋一代之選或備員待制或出知開封忠貞若太常博士循吏若興國知州何可悉數至

國朝定鼎之初雖乏簪纓而著文釋義深於經術者亦
代有其人故五嗣六列庠序名噪一時誠於古爲難
者也

皇上御極之元年詔開

恩科並膺鄉薦迄今科第聯綿蒸蒸日上隆則後之應運
而興爲名臣爲大儒正未有艾家乘與有光焉謹徵
文於古徵獻於今事必核實例務從嚴庶幾警訓中
寓善善之意也已述列傳

裔孫昌圭識

典膳周鯨公傳 昇附七十

周翁名鯨字世恩號五峯其先本濂溪之後自宋南渡時轉徙爲諸暨人大父孟溥邑膠名士父仲美志不欲湮世澤擬欲教子一經以繼書香翁生而聰悟過人年十七失恃且以嫡長遂不果業舉子佐理公私事甚力雅有心計逾从益練達每所爲輒思亢其宗人見其美丰姿善談論修髯長身器局峻整多以遠大期之事父務在繼述不欲爲口腹之小仲弟公輔在邑庠巨細事一不以撓其志業已而仲美老諸

子析產以居翁配王安人亦善相翁益相與砥礪早
夜弗少懈闕以外翁主之壺以內安人主之課媵僕
督耕桑百需具足家用有成一時所拓不啻十倍先
積嘉靖甲辰有司勸分委輸翁首應詔爲諸鉅宗倡
得授益府典膳比命士邑四門舊無備翁倡義築南
城構樓四楹其上至創墓祠立祀田皆身任之志欲
置學田以待子孫儲材未果也舊有先構在五指山
麓翁漸擴大之至是別構數十椽於先構西南宏偉
壯麗甲於一鄉鑿池闢圃爲怡老之所因自號曰五

峯客至觴詠爲竟日歡里有貸給亦隨見聞所及而
其生財之柄不欲假人底今年七十有一屆老而傳
矣然亦未嘗倦勤也是其精力所到天若獨厚之者
其將來福履蓋未艾云

論曰易有言有子考無咎維其有之是以似之有
而不似咎莫大焉雖謂之無可也若周翁五峯者
繼述之美如此仲美可謂有子矣何咎之有

明嘉靖乙卯

會稽橫塘金 振撰

贈晦夫公短調

祖百七十三

君隱處少微明五指峯頭飯黃精
仙人掌上捧玉鏤
鳥可到人莫攀隱來百年不下山
袖中短書誰爲達

暨陽道人買藥還

山陰鑑湖金志題贈

贈思君公五言律

驅馬南門去昂然五指盤江回
兩岸鬪石轉衆峯攢
棧道溪毛滑畚田原草乾
此行爲知己不覺暨陽難

山陰劉棟良所氏題贈

山創為... 封引...

蘇道... 坤命...

顯... 門...


御... 公...

運... 步...

泰... 河... 人...

發... 國... 步...

顯... 德...



伯美周公傳

裕八十九

伯美公諱雲鰲余之兒女姻戚也先世多長厚遺澤居陶山之陽岸然自異不逐時趨他人千萬言莫能盡者一當公立決餘不復贅一辭凡古今得失人物是非與之上下其議瞭若指掌嘗自以爲老子有云聰明深察而近於死者好議人也博辯廣大而危其身者發人之惡者也以故爲人簡重謹嚴充其才力天下事無足爲難而絕無躁急輕浮自恃妄用之弊蓋內智而外若愚耳少年當世路嶮巇之日日擊時

艱慨然嘆曰逢世取容術未工也遂以市隱莊子曰
我寧遊戲於污瀆之中自快無爲有國者所羈自王
公大人不能器之傳曰道不同不相爲謀亦各從其
志也居家孝友嫻睦天性過人遇親小疴輒夜不沾
席躬殫調護嘗跋蹠數百里外乞名師丸散持奉高
堂言之忠信行之篤敬衣無錦飾食無兼品鄉鄰有
鬪何曾披髮纓冠族黨少嫌豈事簸唇搆怨人以百
金見遺謝曰貨取非君子不受他如重資道捨而還
其主者未易悉舉重義而利自輕亦當與不疑長者

並著一世矣物不之忤也不之競也春明楊柳負
手以看吳山秋淡蘆華揚帆而歸越水翛然高寄抱
璞不言非其得於天者全而中之自有其真耶抑亦
文王未遇之膠鬲而繆公未舉之五羖大夫耶夫無
名者萬物之始也大丈夫逢時則駕不得其志則沉
淪泉石飄泊江湖而已矣揚恬適之仁風游逍遙之
德圃爲矩爲矱不諂不驕君子以爲進乎古矣洵無
懷氏之民也公瑞三十公次子行裕八十九生萬歷
癸丑卒康熙丁巳得年六十有五娶於孫以儉以勤

敬戒無斃克相夫子聿觀厥成女一適胡姓公年四十更納副室聞人氏子二長于德宏博淹雅有華國才季至德卽余弱息所字也律躬維謹亦多淳風昔申包胥曰人定者勝天天定亦可以勝人要以食報之理豈終昧昧驗前卜後是必有克繩祖父光大其開閭者余敢呼天一問

皇清康熙歲次己巳春三月朔

明經鄉進士年家姻弟浣溪趙蘭瑄頓首拜撰

從叔祖裕百九十三公傳

公諱一成字仲法初字逸功行裕一百九十三郡馬
文潛公之裔孫也先本世家南門苧蘿山右公九世
祖景昌公隱於耕以產便轉徙五指山高王父典膳
鯨公以曾王父苧山公辟藩司從事日有文卷遣發
復令徙南門考望雲公敦厚樸誠不喜事亦不治生
產遇事無機心人嘗德之公生而穎異髫鬣就學塾
師口授不及再卽朗朗成誦及成童習舉子業操管
輒驚人時茂芝杜先生四明名宿公受業其門每昨

舌稱異焉戊戌元旦望雲公厭世元旦吉辰也以吉
辰得凶問非骨肉誰爲之同患難者公憂深司馬瑣
屑匠事莫不經公一手足之烈先是浦有販木經紀
者寄食張神廟公嘗識面話頗投機適渠妹倩張某
訪西席因力以公薦訂期掃榻以候公許諾豈期抱
恨終天不暇計此至花朝後揮淚登途勉赴前約而
張某以過期不至率兒曹別親函丈公至絕無一言
張亦赧赧然深自愧怍明日具賻儀送別道過白麟
溪有老嫗皓首黧顏年可六十餘悲號臥地公詢故

云失足傷脛不能步距家尚遠無親屬可依眼見作
荒郊燐火是以悲耳公聞之惻然出張所贈覓肩輿
送歸嫗觸地叩首報矢啣結歸告始末於母氏王太
夫人夫人曰正吾願也事果諧使吾望仙華而隕涕
何若依依膝下之爲愈也耶歷三年服闋太夫人爲
公議婚呼公曰問樓氏女慧而賢少汝十齡庸何傷
公曰唯命逾年癸卯公年二十有六樓甫及笄乃完
姻奉箕帚侍巾櫛甘苦與共如是者尚未一載而太
夫人患血瘕醫者謂得水蛭可瘳水蛭善食人血多

生污濁溝池公跣足赤身朝夕沒脛其中以餌取之
至累月中濕公足疾已成錮而太夫人卒不起時甲
辰除夕之前一日也公呼天號慟哀毀如不欲生衾
殮之節一準諸望雲公前後無稍踰奈何齊衰甫脫
方一載樓夫人驚寤生呱呱者十有七日而積癘逆
冲竟不復救吁嗟乎高堂之恨沒齒深閨之痛切膚
十載之中三喪踵至知己者爲公分憂平交者爲公
勸慰而嫉公妬公者且謂遭茲不造在疚煢煢已矣
無復有家矣孰知天道好還否極則泰困久必亨故

事暨田七十餘萬畝繁賾難清設總冊以稽通邑收
除之數非精於書算者不能堪此邑人羣推公公自
維詩書之債既不獲償遂慨然任之不辭經歷數年
纖悉無舛所積漸餘裕兼以交質權子母而藏日益
厚歲癸丑再理絲桐續陳母夫人爲中饋主門盈長
者之車戶滿遠方之履晉接無虛日而夫人待之井
然甲寅之變四境萑苻七月邑宰棄城走至十月新
令劉公餘璫隨征貼堂姚公啓聖提兵蒞任發庫藏
給餉糧額十逋五六遣飛騎督催所至假虎橫噬費

十倍且過之公屬糧戶主挺身力爭不便勿聽直以
首領保全完二公亦首肯掣還其膽識滿通邑耳矣
夫德厚者嘏必長卽此以下公壽固宜享大年躋遐
齡與彭錢相伯仲何意白玉樓成招公作賦辛未秋
邀友人夜飲半酣笑談自若俄而瞑目不言羣以爲
醉逾時竟不復甦嗚呼以公始之遭際如彼視後之
振興若此九京下似可無憾然使天假之年得親見
今日之鳳毛麟趾玉樹琪花畝漕連阡華堂畫錦之
嘖嘖人口也其快心益不知何若矣公生崇禎戊寅


卒本朝康熙辛未享年五十有四元配樓氏生順治
戊子卒康熙丁未得年甫二十繼配陳氏生順治辛
卯五月五日喜今白髮無恙也子男四長振濂字羽
詵樓出邑決曹掾慷慨有俠氣中壽厭世娶錢氏次
濯濂字培先練達有謀善審幾應變娶宋氏次承濂
字啓人術灌侯舊業饒孔僅宏羊之智娶陳氏次象
濂字孔占元方季方各不相下娶陳氏續娶章氏孫
男九尙德尙志尙忠尙聰尙憲尙億尙哲尙慙尙愚
俱英英玉立女孫三在室余屬公契且年不相遠稔

悉公平平生敢羅實為公傳

皆

皇清康熙歲次乙未陽月之吉

姪孫宏易謹撰



Faint bleed-through text from the reverse side of the page, including characters like '皇清', '乙未', '陽月', '之吉', '姪孫', '宏易', '謹撰', '皇清', '康熙', '歲次', '乙未', '陽月', '之吉', '姪孫', '宏易', '謹撰'.

伯父永二公傳

伯父遴之公諱宋魁行永二厥考仲俊公生四子伯

父其冢嗣也仲俊公篤友愛與

易

大父新甫公慕浦

陽鄭氏同居之義嘗思步其後塵蓋以曾大父元福

公屬鄭氏壻大父月塘公屬鄭氏甥其漸摩者素也

奈天不誘衷新甫公以痘卒於萬歷戊午正月之望

而仲俊公亦卽以疾卒於是歲八月之望時伯父年

方一十有三上侍衰耄之祖下撫幼冲之弟孀居之

母氏悲於內而紛雜之家政叢於外以十有三歲少

未練達之伯父主之嗚呼傷已時有議者竊謂伯父其替厥緒乎而伯父衡慮困心智長於蹶亨兆於屯請諸大父月塘公云家計煩門戶濶變釁易生或者析烟以分其勢庶幾有濟於是稽戶籍之多寡別土田之肥瘠均之爲兩父與叔對也復均之爲四與諸弟不少蒙也銖兩絲毫不以自利曲逆侯宰肉寧或過是時伯父年力強富早作夜思經營未及十年而所積踰於疇昔已不啻什伯相去舍宇窄隘別構數十楹於祖居之北雖不務拱斗連雲而廉隅整飭雅

號偉觀是固伯父之智慮精密出尋常萬萬抑亦壺
以內相之者與有力焉伯母趙氏克儉克勤其計籌
不在伯父下惜乎中壽墓木已拱續配伯母翁氏靜
一端莊肅雍兩濟不動聲色婢僕食其惠不假笑言
妯娌飲其和詩稱溫惠任只伯母有焉夫趙善於創
翁善於守趙長於才翁長於德此伯父之所由振家
聲而克亢厥宗也由茲以往後先陶石夫復何難豈
知勞過則力疲計過則神悴病且淹淹至矣顧猶倦
倦以大父月塘公暨大母王夫人二柩未厝不能日

忘謀諸先府君卜葬於廿里牌祖塋之麓抱病扶櫬
塚就始歸竊自喜曰吾事畢矣脫有不測可無憾也
越明年歲在庚戌正月朔十有九日竟漫漫不復旦
矣嗚呼伯父弱齡失怙幾歷風霜幾瀆危險而卒能
樹立其慮患操心蓋有過人者矣事大父母盡孝毫
祖幼孫相依爲命仲弟銘鼎公宋元頗有俠氣喜恢
諧伯父善言規之迄用有成次諱宋朝星者謂不長
於壽算伯父請諸母夫人楊氏令從釋爲延齡計尋
果厭世季弟爾充公宋美析烟時方弱冠伯父善撫

之後克自振拔堪與伯父稱二難也鄰里稱貸出入
非不權子母但聞大德之感曾無小怨之思族黨有
事伯父和氣柔聲委曲解釋必至兩相悅服乃止雖
費鎔銖不愆也無少長無內外無善長奸慝晉接唯
以情勝毫不以霸氣相加棠陰之慕思之者誠切貽
之者實至也生萬歷丙午二月廿六日卯時卒康熙
庚戌正月十有九日申時享年六十有五配趙氏生
萬歷己酉六月初七日亥時卒順治癸巳九月十八
日亥時繼配翁氏生萬歷戊午五月廿九日卯時卒

康熙甲子正月十三日丑時子男二宏禮善理家政
 宏樂業儒女二長適官湖徐次適江東陳孫五允成
 業儒允義允裁允戠允戲尙幼女孫二俱在室屈指
 伯父歿時易年二十有八悉能記巔末故敢次述之
 爲伯父傳

皇清康熙歲在己巳春三月大功姪宏易敬述

(Faint bleed-through text from the reverse side of the page)

周永三三公傳

人當盤根錯節時而矢志艱貞非有大過人之節操者不能故松柏後彫自古爲難况晚末乎余自北回途經暨邑邑令邱諱晟者係余素契時與賞鑑文壇今館余於縣治之大雄寺接見邱令所延義學師周君諱作豐朝夕與處論古談道日見家學淵源及備陳迺祖行狀請傳於予予就其行述中想見其爲人公諱渭師字復先行永三三生有明萬歷朝補弟子員屢戰棘闈未遇中郎誰識爨下孤桐後遭時變不

忘舊德隱約終身以方巾藍袍徜徉於黃花徑上並不繫情於斗米得箕子芳踪有二疏佳致此真有大過人之節操者也其天性孝友詩詠張仲可擬廉介禊躬何減項仲山投錢飲馬唐李勉啓墓還金且言笑不苟屏絕塵囂有權豪訪謁避不接見時年七十六矣而精神矍鑠猶孜孜典籍手輯性理纂要五經闡擬題釋併纂集幼學心鑑八帖俱根柢經史爲清本澄源之教分訂孝悌忠信禮義廉恥日與子若孫攷核勸勉課功構藝爲事其有族兄德先契友趙昊

生常常詩酒談心有雷陳膠漆遺風間或乘興奕彈
聯句則又有如東坡與山谷佛印二三知己故一時
遠邇親踈莫不景仰其高風亮節焉壽享九十康熙
己卯季冬望前一日戌時夢書白駒配夫人傅氏繼
郭氏爲里黨母儀嗣君懋烈老成碩望見重於署縣
運司佟諱賦魯者贈以匾額顏齒尊德峻孫二長作
豐博學能文食廩粟知非池中物次作鎬攻舉子業
兼通軒岐奧義廖賴精傳曾孫易乾未弱冠採芹泮
沼易晉易鼎暨各幼曾元孫森森玉立俱有荀龍薛

鳳之姿非皆公之積善餘慶哉予第憾生不同時不
獲覩芝宇叨荆識盤桓於蘿山浣水間以不虛舊契
邱令他鄉遇故之雅意然猶幸述其行而羹墻如覩
作傳以垂不朽

昔

大清康熙丙申冬十月望日

廣東癸酉科解元年家眷弟陳鶚薦頓首拜撰

恒者周公傳贊

永十一

指山恒者諱德符字振飛汝南周姓屬余仲女之舅翁又卽余長女孫之太舅翁也襁褓失怙伶俚非常幸太夫人宣氏之死靡他有如皦日艱辛萬狀義訓三遷因得潛心經史淹博古今邀賞識於先儒臥子陳先生策名郡序誦讀之暇旁及家政蓋其精神材力誠有大過人者舉丈夫子二元方季方名冠越州差堪方駕眉山也中壽功名志澹而以其餘力涉歷世故物理人情無不畢合無遠近親疎舉嘖嘖稱道

勿衰余里居遙隔百里聞所聞未見所見自丁卯春
卜宅指山之麓而喬寓焉時同盃席時聆話言時親
色笑始識向時所嘖嘖稱道於遠近親疎萬口一辭
者果不誣也居無幾何歲在戊辰越孟夏之朔廿有
三日白玉樓成註名仙籙曲終人去江上峯青笑語
音容已杳然不可復識矣嗚呼痛哉誼屬姻親情猶
骨肉不腆之饌欲獻無由鏤刻之私徒深飲泣所得
竭誠以冀歆格者惟有鄙陋之巴辭而已矣用肅短
章稍揚萬一不禁吞聲走筆以贊之

贊曰表裏如一始終如一行已立身威儀恂慄○
情理兩得寬嚴兩得接物待人和平正直

皇清康熙己巳春三月上澣吉

年家姻弟明經鄉貢進士蔣無競維人氏頓首拜撰

先府君永十一公傳

附庭訓格言

先君行永十一諱德符字振飛暮年以恆者自號高
王父冕及曾王父元福家世單寒顧長厚嘖嘖人口
王父越塘公能自樹立積儲殷饒而德行復濟美先
世萬歷間榮授冠帶以耆賓老考諱一鼎年二秩厭
世時先君在襁褓甫十有七月母夫人宣氏霜節冰
操備詳邑誌其撫先君也慈母而兼嚴父之訓焉髫
鬣卽能承志與羣兒迥異越塘公卒先君方十齡與
從兄弟分烟時族人以析產不均唆者先君謝之

曰家之廢興命與數也傷手足以圖蓋藏情則何忍
蓋其志量已大過人矣及成童出外就傳不百日不
歸歸則省視之餘卽手卷不釋經義帖括而外喜讀
左氏春秋傳故其爲文也閤中肆外博大沉雄而尤
善於論斷赴童子試輒爲司衡知巳時臥子陳先生
以司李署府篆兼理試事分五經發榜先君首擢葩
壇督學使者許公嘆賞擊節充郡序弟子員

國朝定鼎四郊半屬萑苻方奔走逋伏之不暇也而几案
塵封矣如是者數年復整舊業簡練以爲揣摩戰棘

闡者三連被放歸先君志益堅讀書益力謂不終以
牖下老卽晚就無傷也奈何焦桐絃斷鼓不成聲先
慈萱早先君逝矣世情多苦於繼配先君誓不欲續
後緣母夫人春秋漸邁屢以不勝家政爲言言之數
四至有怒容不得已復娶郭氏和敬貞淑克相先君
撫易兄弟較已出尤過之歲丙午母夫人中乳毒歷
久不愈先君延醫侍藥分痛裂肝夜更仰天默禱願
以身代而卒不起也先君呼號躃踊悲咽如不欲生
旬月間髯鬢忽霜白矣嗣是雄心灰冷生平許大事

轉望諸易與弟書兩人而易與弟書又復數困鹽車

鬱鬱不能得志先君悵然曰余之不遇遭時之不偶也易兒頗知名全浙冠郡邑幾三十軍而糊名棘院鋒輒挫焉是豈戰之罪哉夫亦山川之缺陷未補而陰陽之淑氣不收也廣延堪輿家待之盡敬有以佳山水薦者不憚躋蹻不避寒暑必親往審視稍不愜心必曰雖遲毋誤蓋其慎也指山之麓缺在東偏先君築長堤以衛之而又恐堤之培植無人歷久而壞也復於其旁建靜院一所顏曰東屏雖不務雕峻偉

麗而規模整飭聖像莊嚴綽有幽致無寸木尸土非
先君一手足之烈也割腴田若干畝供佛及僧爲香
火千秋計每朔望必衣冠誦金剛妙典凡數卷尤喜
閱諸經解看指月錄中有所得輒津津言之不厭詳
顧其聲則清以亮其行則端以重其坐則莊以嚴其
語言則溫以厲其精神則健以強人謂百歲無疑也
豈知玉樓功竣烟火世界先君不欲久寄矣戊辰三
月之晦登樓兀坐讀歐陽史抄凡兩日手錄新昌柏
庵呂公所製東屏碑記繕寫未終覺兩眸刺痛難忍

輒擱筆自知必有疾踵其後也而疾果至矣始惡寒
繼則患熱七日稍退尋復如初口占七言絕句數首
記不甚清不敢妄載家常猥瑣事不一語道及易與
弟書痛楚不禁復解之曰死歸生寄讀書人豈不聞
此乃作兒女子態耶言畢卒時四月二十有三日也
先君資性敏捷朱子綱目悉能記巔末評斷別有巨
眼卽星相醫卜之書亦皆通曉精書法丰秀中饒有
骨力所著有庭訓格言十二則不可盡十則付梓行
世居常所悼憾者唯不能致身通顯表母夫人貞烈

之光遇歲時伏臘與族衆飲酒歡會必以言正言行
正行交正人某某以積善獲慶某某以不善招殃反
覆戒勉子弟有狂飲豪放博奕呼盧者必正色唾叱
不聽亦姑置之曰是不肖先人者也不復與假顏色
鄰里乏絕發所有貸之無吝心并無德色風俗之偷
也時有忿爭先君輒解分之別白是非委曲勸勉卽
強梁橫暴亦唯唯心服貧賤而愚柔者或以言詞牴
觸必曰此無知不足與較至於巨惡大奸則又不容
毫髮必與伸辨不少假歿後無論親族交遊卽平時

不甚相識莫不感慨歛歛謂此翁不宜竟去昔宜尼
之稱鄭僑曰古之遺愛先君其庶幾乎生萬歷丁巳
七月二日酉時卒康熙戊辰四月二十三日酉時享
年七十有二配宜氏生同庚早先君三十二年卒繼
郭氏生天啓甲子少先君八歲喜今白髮無恙也子
男二宏易補邑膳堂次宏書庠生女一適善溪何孫
男六允臧習舉子業允幾允咸允猷允戒允畿俱幼
女孫三俱在室曾孫一迪源此先君大槩也謹述爲
傳

皇清康熙己巳春三月

不孝男

宏易

百拜識

庭訓格言

計十二條

一勉積德

福善禍淫報施不爽卽顏回早世盜蹶壽終往往爲
奸徒口實然此其變也非常也小人蔑德只是道變
君子積德只是道常

一勉讀書

讀書明理上之爲一代大儒其次亦可通曉字義不


但博取功名已也卽教訓子孫親友書札往來不至
聰於耳而眇於目詎不善乎

一勉和兄弟

一父之子原分不得爾我間有閱墻卒能禦侮蓋其
天性然也嫌隙一生恐骨肉離間之徒得乘機而入
其禍不淺

一勉睦黨族

分而九族合皆一本富貴貧賤數不能齊何至以凌
厲相加耶我後人獨不得富與貴耳設不至於貧且




賤決宜去凌厲之習而待以和平

一 勉厚親友

親者婚姻之故友則聲氣之儔也谷風行野讀者傷
心寧使彼負德不可使我負情但願我後人世世足
以惠親戚資友朋則亦可以無憾矣

一 勉恤孤寡

窮民無告自昔哀之而孤寡尤甚甘苦止自知隱憂
誰與語我固身涉焉而不堪一一明言也既遭同病
自應同憐



一 戒傲利

有為慈不主財義不主財之說者夫財不主於慈則
必須不慈不主於義則必須不義豈可專為主財計
而竟忍於不義不慈乎慎毋信斯言也

一 戒號名

勢焰薰蒸仕宦家往往有此我世守朴拙頗免饑寒
少或馳逞霸氣號名一方大則鬪狠危親小則鼠牙
穿屋速禍之道也

一 戒澆薄

...

澆者忠之反薄者厚之反從來著姓大家未有不起
於忠厚而頹風敝俗未有不萌於澆薄者也我閱人
多矣廢興盛衰之故如操左券

一戒奢侈

儉不中禮鄙瑣之夫也然靡麗紛華不知樽節雖猗
頓陶石烏能保其後乎所以減膳撤樂王后君公且
然而况士庶耶

一戒欺弱懼強

強於我者每侮我弱於我者每畏我侮我何甘畏我

何忍也須以自反之直道應之不使強者視我爲几
肉弱者視我爲蹲虎則得矣

一戒有始無終


世人爲一事有始勤而終怠者交一人有始密而終
疎者先後殊途首尾兩截何無恒至此也詩曰靡不
有初鮮克有終易曰不恒其德或承之羞有始無終
古人蓋深惡而痛疾之也可不自省

十不可盡

事不可謀盡

理不可執盡

力不可勞盡



利不可專盡

勢不可恃盡

福不可享盡

人不可量盡

言不可道盡

情不可用盡

逆禮不可讓盡

皇陽曆以十年宗譜

永十一及公傳

甲辰重修



玉如周公暨趙氏合傳永百廿一


玉如公余家姊丈也爲人渾厚謙光不失言不失色
與親戚里閭交遊彬彬藹藹洵可掬也晚有兒息未
弱冠而公卽逝余姊慈母而兼嚴父之道焉克儉克
勤丕承基緒課兒力學俾至成立甥字友三僮儻非
常不與衆伍而辭氣雍容有若考之風暨孫三玉樹
森然姊年逾八旬康健如故其後福澤尚未可量此
女之克承夫志恢宏先業者也因載之家乘以示子
孫之不忘云爾

皆

雍正歲在壬子小春月哉生明書于謙亨堂

眷弟趙

錡拜撰



愚半周先生傳

永百五十八


集四方之英人傑士而萃於一堂砥行勵學膺國士
之知裕廊廟之選志同道合而後之顯晦通塞各不
相如豈人爲之不臧歟蓋其所不能爲者天而已矣
前丙寅歲張運青先生爲大中丞館梯霞陸夫子於
萬松書院其時十一郡名人咸來就學若王象治陸
麟度董正國陳延長蔣季眉諸兄與暨陽周試宜
兄皆祺窻友而試兄與祺一室聯床風雨晨夕相契
益深其生平趨向相得甚詳且悉試兄諱于德行承

百五十八號越水愚半其讀書也溯天根抵月窟其
行文也詞鮮妍筆高古其事親也怡顏色切孺慕其
接物也推仁恕矜貧寡悉余所萬萬不逮者而我
夫子故時嘉與之而諸友亦尊仰而效則之然學如
試兄行如試兄意必名揚功著增 夫子光爲諸友
倡矣胡越數載而友之叨甲第者着先鞭登仕籍者
食天祿余最庸陋亦膺闡薦而試兄僅以選拔上長
安謁成均受教職與何岷瞻萬授一吳荆山仇儉桂
諸先生叅奧訂旨翻清釋註而不大有所遇何耶嗣

後以慈邁回籍奉養終堂卜吉窀穸賦詩畫竹開來
學接先傳而哲人達者盡出其門豈天不欲其以功
業著而欲其以道德傳乎不然何英賢濟美而桃李
芬芳也噫余知之矣 陸夫子之道非試兄不足以
畱之試兄之學又非諸高弟不足以寄之也而顯而
晦而通而塞又曷足論乎試兄配石氏賢而有禮子
四長漢封次洛封三泗封皆蚤世幼渤封曉暢百家
克承先業卒年七十有四手註四書大成西湖集以
及記序論傳二百許詩詞歌賦七卷四書文千四百

篇行世適周氏譜竣祺以憲誼故誌其巔末云

己卯科解元年家憲弟李永祺拜撰



天儀周公傳

永百七十七

青山周氏予祖母族也代有至性人其以友愛嘖嘖
衆口者曰天儀公爲祖母族之叔予嘗登其堂拜其
懿範聽其清訓見其德之輝而知其德之蘊天儀字
也諱光璉裕六十公少子也方三歲母趙孺人卒明
年公棄世撫育於伯兄光忠公暨邱嫂陳孺人七歲
就學一日塾師講魯論曰善事父母曰孝善事兄長
曰弟公聞之舉袂拭淚及放學歸食投箸起放聲號
泣嫂問之不應亦不食問之再四具以故告且曰吾

無父母於何爲事嫂驚曰孺子何知輒有至性乃爾
遂亦泣而慰之公昆弟三次曰光俊公未冠伯兄欲
分居公不能止聽其命然不稟諸兄不擅爲一事不
告嫂未嘗出門外及雞黍蔬果等類不奉兄嫂不敢
先嘗兄嫂亦習爲固然不之異不幾年兄嫂相繼卒
當是時顛踣頻仍誰念家計醫藥喪葬動罄囊金且
本不及中人產而又新析爲三以故伯兄三子皆失
業次兄無子以從姪嗣亦流離將失所公瞿然曰吾
幼以兄嫂爲父母今不能以諸姪爲子不特生羞見

外人卽死亦難對諸兄遂外出者歸之荷疾者療之
贖其田葺其廬減竈爲一同居者四十餘年家貲寔
昌遂倍於其舊公年亦毫不克任召諸姪謂之曰及
吾健在可分居仍析爲三不稍私毫末方伯兄之卒
也公躡踊哭泣哀毀過禮不離喪次者踰月一日爲
兄營域兆服衰衣杖以出適遇其友驚其服問之泣
對曰伯兄死矣友曰兄死耳何作如是服轉哭對曰
吾三歲喪母非伯兄吾何恃卽服三年喪猶未足報
及邱嫂卒公盡然欲盡曰嫂在猶母在也今頓喪吾


嫂是真喪吾母矣秉禮一如兄喪不與宴會不御色
衣者三年乾隆辛酉公年八十有六十二月初九日
不病而臥召其子謂之曰吾體倦吾囑爾吾之成立
賴爾伯及姆爾所稔知吾恨無以報卽死爾當善事
諸從兄其諸從姪善視之爾子吾不憂也又謂長孫
曰爾勤於讀書吾甚喜將來其無懈爾惟一弟宜愛
之如左右手言訖而卒越五年配田孺人卒公善化
居嘗列肆於街亭以誠爲市戶外人常填街待人寬
而信雖盛怒無遽色所要約無違言族人兄弟分居

必延公主其事曰是固不私其已者爲他人處分必
公而平故終公之世族無兄弟不諧者公一子曰顯
封綽有父風與諸從兄稱友善長孫允恭與弟允樂
怡怡於其家而尤播聲藝苑素與予交問公傳於予
予旣次其狀復得至性過人四字以贊之贊曰五典
五惇名教樂地內情外文惟公倍至父歿兄存兄也
父事兄歿嫂亡季也苦次是豈要名公本血性是豈
強爲公資端勁撫姪猶兒念念我孟復合其分堪繼
陳競有利與共兄弟非他欲益彼寡先哀我多我觀

世類同室有戈經公之宅當泚而過公有翼子室家
溱溱公有文孫爾雅彬彬天匪私爾由公克仁式彰
厥德垂示後人

乾隆庚辰十一月壬子

外族曾孫邑廩騰生胡序頓首拜撰



紹安周翁序 永百八十三

友人平瓌之嚴翁字曰紹安公余之親色笑慕儀型
非一日矣今聞周族纂修譜牒爰走筆以次其梗概
曰詩書爲克家之業忠厚實燕詒之基况顯晦存乎
世而數不可知道義積於躬而理不可易余嘗歷吳
會之山川訪傳聞於故老風景依然而碩德之難期
也久矣汝南派自濂溪意必有崇禮學敦實行以振
風俗者非紹公其誰耶公至性過人論業書不徒作
功名梯常以文藝爲末以操履爲先故事親孝友愛

昆季鄉黨悉引爲楷模至家政嚴肅訓義方尙節儉
廉隅甚飭若當杯盡興又未嘗不平易近人配袁氏
產荀氏八龍或曰八士惟周有之後以疾卒於康熙
己亥公每爲余道其辛勤未始不恩形於哀余益知
其挽鹿車和熊丸相夫子以宜家者克爲母氏範也
余忝居戚里觀於公蓋有遐思焉夫世之盛也化行
於上俗成於下故卽巖居伏處皆有盛德之士導揚
和氣足薰其德而善良者矣公年七十有五尙矍鑠
諸子俱彬彬爲鄉俗望其幼君平碌余之垂髮彌善

相與結詩文之社者行見縱橫雲路驅馳藝林在眉
睫間也諸孫暨諸曾孫倍竹林之數者四並頭角蔚
然玉樹芝蘭尙未有艾夫公以天植雅度繩於禮義
則世澤之日盛理有固然而事可預卜也謹叙

皆

雍正壬子應鍾月上浣朔日

眷晚生蕙畝蔡

易恒

拜撰



從叔丞二百六十五公傳

昔仲法公壯年時揮汗談經擁爐讀史往往徹晝夜
亡寢食努力竿頭不厭也至晚年染足疾不能大展
厥志遂將生平許大事任之仲嗣培先公公敬承親
志力欲酬先人未了事奈天不佑衷仲法公竟淹淹
賔志以歿公聞凶信悲號欲絕幾不復生凡附于身
附于棺者竭情盡禮斷不使稍有虧欠遺後日悔不
幾多時公之長兄羽誥公者因勞瘁成疾相繼逝世
遺三子甫離襁褓公善撫之較已出尤過焉自是心

志已灰與三弟啓人公季弟孔占公曰詩書固先大人志也但境遇維艱似無近功速效以振家聲曷不易術以酬先志乎遂拋棄書帙與弟姪同心協力操理家政其聰明材力頗有端木氏億則屢中之能不十餘年所置田園產業較之曩日大相千萬雖和之者多其人實則倡之者得其道也故宗族鄉黨嘖嘖稱之曰此克家子生子當如是耳然公持已益謙待人益恭毫無凌世傲物之意至濟危扶困排難解紛卽傾囊亦所不惜終身不聞雀角鼠牙之釁其制馭

之宏才與包荒之大度過人遠矣事母陳夫人問視
懃懃極盡愛日之誠迄仙逝每事大踰前喪非有厚
薄之分實緣貧富不同之故是公之於親也可謂永
言孝思孝思維則者矣爾時

道國公大宗祠勢將崩頽公慨然曰水原木木之謂何
奚忍風雨之飄搖乎遂捐銀五十兩以爲通族倡董
其事不避寒暑不辭勞苦勸勉賠償不倦不靳其崇
報之盛心應亦祖若宗所隱佑而默相之者無何食
少事煩祖廟未觀厥成玉樓已招作賦於雍正辛亥

二月三日以痰疾卒於指山夫公志願之所未遂者
以大宗之祠廟未成先慈之靈柩未厝三子之婚配
未就不免隱隱懷憾於中耳然公之弟若啓人公孔
占公其孝友才德其品誼氣概堪與公相伯仲凡公
平生未了事且能擴而大之又何患不從而補之乎
公若有知亦可快然于長夜無復作世俗之愁嘆已
矣公行永二百六十五享年五十有七元配宋氏副
室王氏生丈夫子三長尙愈次尙恒三尙性俱業儒
岐嶷不凡女三咸擇配名門後來盛德之報又烏可

量哉予與公聚首多年同盃席而聆話言因知公巔
末甚詳故不羞噴飯之詞聊志不忘之情耳

昔

雍正歲次壬子仲冬

姪顯秩頓首拜撰

皇陽周氏七年宗譜

培先公序

甲辰重修



Faint bleed-through text from the reverse side of the page, including characters like '培先公序' and '甲辰重修'.

啓人周公傳

永二百七十三

蓋傳者傳也爲其有可傳故從而傳之示不朽也周
氏之族有啓人公者實鄉之俊邦之彥也自幼聰慧
機警過人好讀書後以數奇遂棄學治生理擴堂構
而新之擬以朱頓何多讓焉尤難者賦性剛方遇鄉
曲中是非力爲明辯不少回護故里中咸稱其持正
不阿有古遺直風焉配陳氏淑順柔嘉其相夫子內
助也善刑于之化調琴瑟之和可云兩美相須舉丈
夫子六無不以義方爲訓誠凡燕翼詒謀胥足動人

欽敬余思有宋濂溪公以道學淵源貽後迄今蓋數
百年矣而延及於公其生質賦性若此可謂繼愛蓮
而式穀似之者矣予登稽山過苧亭訪浣石遺跡因
親誼而拜公之堂仰其芳規古道照人爰執筆以書
其大槩云

昔

雍正壬子冬十月中浣之吉

邑庠生眷弟趙穎燧拜撰

宗姪曰生行傳亭七

山水之靈必有所鍾鬱積磅礴迺以發皇落草瑤枝
丹砂白璧爲類不一何況于人指山曰生其名宏易
淹通經史博極羣書筆掃千言胸羅萬象聲飛概水
輒試冠軍量拓汪汪步翔坦坦誠可動物謙更下人
排難釋紛推賢讓善螢窻著作卷帙盈箱少拾芹香
旋充膳廩屢呈鄉薦還膺明經嘯傲林泉寤歌風月
族黨矜式遐邇儀型古處爲期于今罕覯以斯才學
上佐廟廊致治經邦綽有餘裕高車駟馬誰曰不宜

抱璞守真淵珠自媚人多懿好行惻何如得喪窮通
氣數是主人分淑慝天有陰陽素位而行君子之道
不願乎外庸保天真李廣難封馮唐易老古來俊傑
往往而然元配蔣門賢兮且淑內外修潔無忝母儀
娠育維艱更娶宣氏趨庭玉立五六多英雁翼齊飛
式好無尤肯堂肯構啓後承前澤衍詩書謀垂雲耳
于公有後陰德必昌式玉式金流芳自遠蒼葭白露
渺渺我心

宗叔暨陽于德撰

從祖享十八公傳

從祖文翼公謝世上甲子歷有年矣而口碑在人至今尚能言之家乘爲旌善之書而曾無一語之及可乎哉爰爲博採舊聞學拍肩之瞽而僭爲之言曰凡人有所芳型素著爲世所不可磨滅者譬則虎邱金精豐城劍氣愈久愈揚而不容終沒從祖名宏書行享十八恒者公幼嗣也恒者公以四傑蜚聲之選篤延家學固非達人不克紹元方掌庵公全省冠冕明經鄉貢爲季方者不尤難乎公也上承下繼厠身其間


而論者尙將以三蘓父子二陸兄弟相擬似其操行
居何等哉年強立遊縣岸或以其行文謹守章句不
若伯氏之青錢選然間於小試時易名替冒又未嘗
不此利而彼鈍是數之奇洵非戰之罪余于從祖爲
益信中歲身患弱憊徧訪盧扁不獲遂究心醫籍爬
羅剔抉不數年羸病已瘥醫道且成望聞瞭瞭洞視
五臟癥結邑之東有坑西兄病弟爲延醫公往視之
賀其兄轉弔其弟且遺之驗曰行尸走肉疾不可爲
未匝月果不救其立決死生聞者悉咋舌稱異其操

家也克善守成其睦鄰也不恤錙銖其課子也一衷
義方種種行詣爲世模楷噫孰則奄忽隨物化者昔
左太冲世未見重得皇甫士安爲序而一時尊爲碩
彦韓昌黎自唐迄宋沒而不見者二百年自歐陽公
爲之補訂而其文遂大著於天下夫行與文一也余
雕虫末技詎敢濫叅巨公手但卽其不可磨滅之行
自有不容終蔽之理後之覽者或卽舉此以作皇甫
之序歐陽公之補訂雖曰非余之所敢當而實則我
從祖文翼公之所稱心而愜意者是爲傳

皆

乾隆歲次庚辰一陽月上浣吉日

姪孫學瑾謹誌



岳翁周公傳 享三十三

古云仁者必有後又云天之報施善人不爽余始未
之深信今於我翁而見其不誣也翁先大人諱宋魁
字遴之母太夫人趙氏翁氏翼二鳳長則曰欽公趙
出翁居幼翁出也翁少時輒嶄然頭角岐嶷非凡族
中莫不器重之年十四而孤太夫人孀居一室翁定
省問視一無所缺且有事必稟命焉待其兄若嚴父
友愛之誠日久彌篤方失怙時世故多艱所遇盤根
錯節翁雖年幼矯然獨立弱肉卒免強食生平仗義

踈財賙恤鄰里一鄉中待翁而舉火者不啻數十家
故鄉人至今德之且又公平正直一言重於九鼎鄉
人事無大小悉奔訴之一經剖晰悅服而去大有古
人得諾得金畏知畏罰之風胸中學貫五車博涉經
史之餘閒畱心於音律故自制藝以及詩詞靡不擅
長一時而又雅意好客名公巨儒或過廬相訪必曲
意款留歡呼暢飲其宏論碩議常令一座浮白稱快
焉夫天之生才不偶以翁之學出而應世何患取金
紫不如拾芥而乃一試再試伯樂難逢此則翁之生

平所鬱鬱失志者矣然翁未嘗以此介意每謂既富
方穀治生之道不足無以爲課讀之資故留心生產
不屑屑較錙銖而家日豐裕堂構新基址拓臥闥之
旁軒睡漸遠繞翁之廬盡屬膏腴非守財也謂後嗣
享有成業庶幾可繼我功名之志惜哉志未竟而身
逝矣翁元配夫人蔣氏早世續配夫人翁氏如夫人
王氏女一蔣出男四長允戡邑庠生次允戡俊秀次
允戡太學生次允載業儒戡與戡翁出戡與載王出
自翁逝世後翁夫人和丸畫荻課子成名且與如夫

人王氏處絕不聞詬誅聲其得古樛木之風者耶長
君樹幟文壇蜚聲鬻序次君整理家政秩然有條又
次君奮志成均策名天府又次君英姿迅發倜儻不
羣各具非常品槩花萼交輝怡怡如也且蘭桂蔭滿
庭堦食指將不勝數家道豐盈甲於里邑人間盛事
萃於一門翁雖死之日猶生之年而况異日之龍章
鳳誥錫自九重者翁尙有待乎哉余益信仁者之必
有後而天之報施善人果不爽也不報於其身必報
於其子孫翁蓋如操券也翁諱宏樂字備六於康熙

庚辰五月廿六日辰時以疾卒於家距生順治丙申
二月十一日子時享年四十有五嗚呼惜余未親炙
翁之法言德行也竊幸得附絲蘿而仲男可楨又荷
次君繼秦晉之好故備述其行事以誌不朽且以見
今日瓜瓞綿綿其方興未艾者發祥有自而余與有
榮施也

皆

大清康熙五十四年歲次乙未陽月上浣之吉

婿男泐水邑膳生張灝頓首百拜識



Faint vertical text columns, likely bleed-through from the reverse side of the page, containing names and dates in seal script.

顯相周公暨俞太君合傳 享八十四

公諱顯相字爾佐累世長厚居青山之北岸然自異
不與衆伍幼有心計及長克自振拔鄉人多以遠大
期之家勢單寒至公而益窘每謂治生之道不足無
以爲課讀之資棄書帙理家政克勤克儉早作夜思
一時所拓雖未能連田阡陌而積儲殷饒享有成業
足以裕後昆貽燕翼曲黨中莫不嘖嘖稱之曰此克
家子也生子當如是耳嗣是而旣富方穀一經教子
尊師重道靡不竭誠盡禮兼又雅意好客款留暢飲

無厭倦意尤足重者稟性剛方遇事無機心一言九
鼎別白是非髮不容爽無諂無驕君子以爲進乎古
矣配俞太君淑慎柔嘉旣孝而慈勤勉內職逸雅稱
外誠如傳記所謂禮與法者其在斯乎舉子四長幼
皆早世二子承祧咸惇篤有厥考風孫六頭角嶄然
岐嶷不凡其發祥正未有艾也余叨姻晚畧識其槩
不羞噴飯聊誌其巔末并爲古意一章以贊之曰我
公肅家政其慶在咸有我公伸孝思善承惟賢婦我
公篤義方克勩則令母我公之內助一族交推柳爲

憶乃家風兩字曰忠厚到今孫曾輩奕葉仍世守托
業夫如何西園與南畝青山洵峨嵋翠積浣之右

昔

乾隆歲次庚辰仲冬吉旦

眷晚生黃居正頓首拜撰



許新魁太現列於公管以

世

樂夫心博西園與南原自山臨湖其入公之志也

劉公寒風兩亭曰出乳門台勝會其其列山園也

崇階宗叔翁七秩壽序

享一百六

吾族崇翁老叔先生當今



皇上九年歲甲子太簇二十有八日爲七秩大慶門下楊爾和等以余曾在授經樓晤翁日久知翁孝友性成文章天授其律己也謹而恪其接物也和而恕以故春風滿座桃李競舒秋月盈庭珠璣並耀其盛德懿行所以膺天寵而符人瑞者最詳且悉爰先期陞達囑余爲文以助獻壽之觴余思從古以壽著者必歷年滿百始稱期頤頤上壽而香山白氏洛社文翁類

皆僅臻毫釐誠以百年爲壽之極難耳然稽古所稱
壽之最高者又無過函關李氏以李氏而視百歲翁
直蟪蛄焉矣吾聞李氏之得壽守其廉樸致其清淨
能遣欲能復心也彼不嘗曰獨立而不改周行而不
殆又曰內觀其心心無其心外觀其形形無其形遠
觀其物物無其物此其於清淨之道旣得而區區氣
數焉得拘之後之評者謂其能遣欲卽吾儒一日克
己之旨能復心卽吾儒天下歸仁之旨要亦庶幾乎
物者不汨壽也固宜雖然其所謂觀心則仍有心觀

形則仍有形觀物則仍有物猶未超乎心與形與物
之表也且其競競六欲斤斤三毒抑亦猶是煉神歸
氣煉氣歸形以自幸其骸之固雖由虞迄周闕幾千
百載究何異錢鑑廣成者流豈足以祝吾翁無疆之
慶耶善夫天池之壽其師馬葵齋也舉申公師事浮
邱伯以治魯詩爲詞謂申公壽幾於百年更不若申
公之治詩爲尤壽以况葵齋授以經耳今之晉祝葵
齋者仍以此頌教育也叙淵源也卽以葵齋之文高
庾月而腕走風霜器擬馬琛而德光球璧一引東亭


子之序以槩之從所重也今諸及門倩余一言爲壽
余敢忘吾翁平日諄諄不倦而使進則芬芳芹桂翊
國家文運之隆退則陶鑄英賢啓膠庠儒術之正者而
別引卮詞乎矧吾翁八寶內蘊 惠外孚神閱海雀
譽播

宸楓佇見

聖天子賢良方正之旌當先於棘闈龍虎風雲之會矣此
又諸及門意中事而余亦將翹首拭目再賡白髮青
雲之句以遙埃焉謹序

賜進士出身翰林院兼博學鴻詞

同十世祖族姪長發頓首拜譔



47

皇陽周氏七年完言

壽序

甲辰重刊



從叔父享百六公傳

公諱顯秩字崇階行享百六天如公三子余族叔也
少嗜學艱於資天如公思易業時課農於公公身肩
樵牧而手不釋卷雖負薪亦誦經弗倦余伯翁曰生
公一見而大器之以爲此亢宗駒也爰挈歸就業潛
心經史如是者年嬴了然洞達嘖嘖以能文名游庠
後卽振鐸館余家約課有方寬嚴得體不肯以浮獵
誤人子弟閭里中無長幼咸師事之甚有異方響學
者聞公名悉負帙裹糧而願遊於其門公延納無倦

容淵如也嘗論文章之道務期得當理以御氣法以成章雅不欲以聱牙戟口爲古調金槽鐵撥爲新聲來學者多所成就撥芹香如拾芥晚年下帷靈屏古刹教益廣而名益重邑侯崔公並有德行先生之願生平事親至孝天如公早世母趙夫人高年夔鑠必先意承志事事求得其歡而止伯兄逝世遺幼姪三嗷嗷待哺公體息倍周視如己出仲兄衰邁倦勤家計頗窘公每以館穀爲資相爲排解卽一肉一黍未嘗或忘其友愛又若此者處已尙儉樸終其身䟽布

不一衣色絲衣而與人又慷慨仗義親族中小齟齬
事輒道人三好結喜歡緣無不怡然以解及病革年
已七十餘矣一生心乎教遂歿於館族之弔者相望
於道其嘗從遊者得訃數十里白衣冠而來在塾者
不欲告歸倚帷誦讀如生時終一歲乃去噫迴思余
與公垂髫相處繼以白首五十年來春風坐暖時雨
化長其成我弟若子姪若孫者何可枚舉今之傳傳
公遺行特瀛海中一勺耳不敢假手鉅公恐失其實
知余者并當諒余文之不文也公卒乾隆乙丑五月

廿五日丑時結髮趙氏母淑德夫人一子允隆余弟
 也誠實君子而元孫文慙弱冠卽遊郡庠此鵬翮之
 展飛騰莫測殆天所資以繩祖武云

昔

皇清乾隆庚辰秋菊月望日

族姪允戡頓首拜識

顯延周公暨陳太君合傳 享百十一

易爲男子繫其辭曰克家爲婦人繫其辭曰无攸遂
在中饋又曰婦貞厲青山顯延公與德配陳太君其
占此矣公一生謹慎口無失言躬無遺行志趨獨不
逐儕輩勞勞稼穡無刻以怠不敢一置身於紛奢而
偶卽逸豫故其日用服物循乎樸素出入作息時有
檢束繁縟不屑也都麗不尙也晏安不樂也一手一
足以勤以儉以自鼓其紹述前人之志氣不數年事
事輒令人改觀生子五稍長得乃翁志均以治生爲

念無有役於外誘翁之心於茲誠有厚望豈知行年
五十有五竟寢巨室抱長逝之恨於無窮耶太君來
仲弓之家爲角里之婦高挽鹿之志守吟燕之心督
其五子各事所事力勤畎畝或業托賢遷或職在藁
人並不許有舍業而戲者居無何鄉族以令子器之
跨竈期之口食之餘且拓垣墉雖門非駟馬而塗茨
爲之一新不幾令顯廷公重泉魂魄飛越稱快乎然
苟非其母子之勤劬勞動以盡代終之事殫善繼之
願則曷以了顯廷公之所未了者五子爲誰曰允充

允卓允珍允亨允士孫十有八人人皆英雋曾孫甫
四人振振良未有涯也太君卒年八十有二余與周
氏幸托薦蘿故得悉其梗概爰不揣不文而爲之傳
昔

乾隆庚辰冬十一月之朔

邑庠生眷晚胡 衍頓首撰

許道與兄多十一日交與

皆

內帝許為難對曾慈其地淵吳不融不文面無不翻
四人到到與水音新山太林卒甲八十會二余如
武以文紅武在武德十亦人人習美高會給



上治周公傳贊 享百三十九

公諱顯政字上治紹安公仲子少穎異善記誦稍長
博覽經史下筆踔厲無前鄉先輩均以大器期之昆
玉八人公幹畧爲荀氏最治生產權子母出入皆斤
斤得豐儉宜紹安公曰家口浩繁衣食維艱吾垂老
不耐冗務爾兄又染足疾汝爲我理之公承命唯唯
謝試事總家政冠者婚笄者嫁式擴先業聿振家聲
戚黨中咸嘖嘖羨紹安公優游杖履頤養天和爲有
子也事親孝色養無方問視必得二人歡壘篋叶和

怡怡衎衎自同炊至析居式好無間季弟平瓌秀慧
英多公遣從名師傅必諄諄祇適厥考屬望意厥後
蜚聲庠序馳譽藝苑亦公友愛力也配趙太君舉案
齊眉週花甲猶相敬如賓生丈夫子二咸惇篤有大
志遺訓曰吾不能多積金錢架上殘書先世舊德悉
家珍也自奉儉約脫粟布疏宴如也鄉鄰困乏推解
不遺餘力尤善平反曲直談言解紛人咸服其誠嗟
乎心計竒嬴連田阡陌邑郡中非無翩翩佳公子迺
生無善狀沒有餘訾不一再傳家無立錐視公麟趾

振振方新未艾孰得孰失必有能辨之者余嘗與公
季弟交庚辰歲公孫君一又從余學故因族修譜之
役不揣謏劣述其梗概以光家乘云

贊曰末俗多夸公行實嘉曾孫有道孝子克家是亦
有政萬鍾何加德熏閭里心樂煙霞寧拙毋巧寧樸
毋華冠不整李履不納瓜比之於玉美矣無瑕好義
不倦食報惟賒蘭滋其本桂茁其芽厥符天眷非予
阿汗


昔

乾隆庚辰良月

雙湖姚

楠沐

手拜撰



士傑周翁序亭二百六十六

公諱顯豪字士傑紹安公第七子也髫齡克承先志


與羣兒異賦性靈敏識畧過人長而練達益深遇事
果斷不逐時趨見富貴無諂容遇貧賤無驕態然諾
九鼎甚得古人風己亥公承嚴命析產以幼弟平瓌
公課舉子業恐以家冗紛心復與合巹使得潛心典
冊努力竿頭平瓌公故喜交遊客履常滿公歡然延
接日月不倦書云孝友若公者可謂無愧歟尤善家
政克勤克儉銖積寸累經營垂二十年計生產什伯

曩時及平球公學已成蜚聲譽序公迺割新置之業
以分居焉宅頗隘去祖居之東半里卜構新宇不期
偉麗不務雕峻氣局恢宏規模整飭足以裕後昆貽
燕翼公之智慮深遠迥出尋常萬萬大槩如此配張
氏安人淑慎慈和閨範端肅相夫子以宜家蓋得公
刑于之德者深矣賢嗣五孫十二皆倜儻不羣花萼
交輝又督訓有方秀者橫經樸者負耒藜火夜照田
車晨征耕讀外無越思焉公巖慈仙遊哀毀骨立窀
穸祭鼎靡不竭誠盡禮元愷八人相繼棄世撫姪猶

子無間已生遇盤根錯節挺然獨往不辭勞不避險
戚里中咸服其才力之充性真之摯也迺今年逾耳
順精神矍鑠不特躋遐齡登上壽含飴弄孫稱烟火
神仙而蘭玉森森蒲輪待誥恩贈貯封亦指顧事耳
余與公令嗣祇葵訂莫逆交結詩文之社見其英姿
卓犖馳驅藝林知家學淵源有自也庚辰歲公復不
以疎陋得忝西席親顏範時聆教益故不揣謏陋粗
具崖畧以爲異日賓禮者憲乞先聲云

太清乾隆庚辰應鍾月全浣之吉

具徽異以茲撰日寶亦特
邑庠生黃居正拜撰



Faint bleed-through text from the reverse side of the page, including characters like '余與公' and '願其'.

叔祖達四翁序 享二百七十四

祖字達四名曰尙聰厥德醇醇厥性肫肫不瑣屑於俗務亦脫畧於時炎逍遙文雅之林循習禮讓之族依然四香居士嚴乎三徑高人觀夫樓豎授經詩書之望自切憶乃堂開推及忠厚之遺綦深邈所貽謀良資燕翼惟翁勁直其槩視膠漆而軼松筠清淑其姿駕風月而擬圭璧吾安吾拙塵氣便欲拂衣吾率吾真酒冽卽思脫帽灑氣橫鋪霜萼機心渾入梅花拋開組綬雄心愛苧蘿之枯松黯翳整頓林泉逸興

36

伴陶嶺之凍萼甦甦懷漱石之芳踪三江沙際魚肥
也羨種薤之佳事九里山前風瘦戩迹其生平聊舒
大畧烏飛隴上反哺獨抱真情荆茂庭前在原特深
雅意故至今而寢門月冷猶傷懷於萊子爛斑亦至
今而雲際鴻飛還愧心於王華鍾釜天倫旣絕天符
自苞一德已貞一生常守况以周氏之彥醜鄙姓之
媛倡隨迄今依媚猶昔杯擎元露飄來勃遂霓裳頌
上椒花撥動湘君錦瑟乃知陸通有婦仙侶不乏雙
星益信吳樊有夫道流亦占兩美至若令子歌式穀

由其藝執鄧門小阮屬佳兒更樂名播叔氏備知家
君德意無嗟通子詩成不掩大人性真自值乃兄識
遠邇者竹枝舒秀割甘作眼底歡心蘭蕊噴香含飴
有膝前樂趣似此宜振宜緝馴至爾熾爾昌固餘慶
之引而愈長抑積德之遺而彌遠爲賡臨江仙一闕
以贈之淡泊從來饒滋味留耕引得書香由他聲利
逐炎涼余惟落落含笑付斜陽那管水流與花謝醉
來尋着吾鄉須知今古沒彭殤竹林深處隨意好倘
徉

叔祖享二百八十二公傳

公行享二百八十二庠名顯琦字平球號樸齋紹安
公幼子也幼時父種愛有千里駒之目稍長操觚刻
就千言滔滔汨汨不可涯涘赴童試輒前茅惜艱於
遇年至強仕始補弟子員咸以爲老成得志所就宜
未可量也詎意玉樓召賦遽爾仙逝遂使有志未逮
飲恨而終悲夫公秉性正直宅躬慷慨喜結納一時
知名之士咸投契焉嘗受業於玉缸錢先生之門學
得所宗故春華秋實兼而有之居家孝友仁慈嘖嘖

鄉曲間凡里中有是非可否一言立決此固公之才
實公平素之忠信有以預致之也足不履公廷名不
入公門品高望重無論知與不知羣仰企之如公者
真可謂有德有言名實兩全矣然論其遭際終未大
展驥足而且知命未幾淹沒以終故所就止是昔白
香山賦性曠達其詩有云無事日月長不羈天地闊
公之志豈亦類是歟元配蔣氏孺人名門賢淑不幸
早世續娶朱氏孺人少公二十餘年公服官政之時
正孺人少艾之候也公甫逝哀毀欲絕緣孤兒祐叔

與懷叔尙在襁褓飲泣撫息義而仁兼盡之矣行將
爲之表揚貞節垂示無窮余與公爲族中叔祖同年
泮遊相交忘分每於嚴憚中深高山之仰止而公亦
於撫視之餘多所開導余之得附公後公之成全爲
多也今當宗牒告成不敢妄設贊語第卽公之懿行
謹誌一二云爾

昔

乾隆庚辰歲應鐘月全浣日

姪孫學璉拜述

詩詞與外數觀盤良全

留

精論一二六

其母全常米制得類不好交功數時復明夫之極子
於辭謝之辭全常開尊念之於剛公之辭及之取全
我後用交亦發於外類對中將高山之曲主術公在
其文其謝其倫聖示無節余與公同州中其地其
與對地而全將麻於其地其地其地其地其地其地



叔祖享三百十三公傳

人當席豐履厚時食舊德服先疇雖侗儻非常之品亦往往與衆人同盡了然無可表見一旦運否時艱一木難支而獨能守先人之志於不墜留後人之基於方來此非有傑出之姿加以刻苦之學問焉能歷盤錯而彌堅也哉族叔祖邦維公諱慶行享三百一十三啓人公第五子而禎之受業師也師方成童從遊王考之門不數年卽名能文字赴童子試輒爲司衡識賞弱冠補邑弟子員當是時庭幃具慶而復饒


於蓋藏師與二三知己講學於授經樓上時而讀書
作文時而飲酒賦詩洋洋灑灑淡如泊如也無何啓
人公升遐惟母氏陳太夫人矍鑠無恙此時之送死
養生盡禮盡孝固然其不敢虧欠也又無何而花萼
減輝故業亦曰飄零我師乃慨然曰先人之志不可
墜後人之基不容廢日夜殫慮謀所以保厥家聲而
思有以光大前人無刻稍怠者慙於淒風急雨中如
接心神也至伯仲間偶不足輒罄囊以贈無在不仰
承父母之心詎止惓惓黃卷思報國之有文章哉昔

文信國在有宋無事時自奉甚厚聲伎滿前後以國
步陸沉痛自抑損盡沒其資爲軍國需雖顯晦異途
而家國一理與禔師前後不如出一轍乎禔以陪奉
青毡歷有日月悉我師之生平知我師之節概用書
巔末以著我師之立身處世而保其家者夫固其姿
之異於人抑亦其學之優於己而徵之躬行者乎我
師生康熙癸巳十月十五午時卒乾隆壬申五月十
二午時配嚴氏夫人淑德允稱舉丈夫子三迄今克
承先業是可卜我師之本深末茂正未有艾矣

昔

乾隆庚辰冬十月朔越九日

受業姪孫文燦百拜識



族祖享三百廿四公傳

聞之無美而稱者不知有美而不稱者不仁道揚先
德大抵皆仁孝之情發于不容已故凡仰承宗祖者
恒謂以無傳傳之不如以傳傳之爲足以昭示來茲
也歲丁丑輯譜德峻太翁來局囑爲其王父邦林翁
立傳初以不文辭至再三而告以行實乃知翁失怙
時年甫九齡煢煢孑立憐之者皆以影隻形單爲慮
幸翁勤儉性成稍長卽行已端方接人篤厚非義者
一介莫貪濫費者分毫皆恤迥異株守錙銖亦非浪

負豪俠不數十年家業日隆置產建厦較諸素席豐
厚者措之尤裕如也噫是豈非能繼先人之志者乎
是豈僅能繼先人之志者乎易曰子克家書曰邁種
德翁其有之矣太君傅氏名門女也善爲輔相婦道
母儀嘖嘖里巷舉丈夫子三允連允華允文均有義
方克自樹立且翁耄年椿護競茂蘭桂齊芳一庭聚
順五代榮昌此尤爲鄉里所罕有而足徵


聖朝之人瑞也有美如此或數世後無見知而并無聞知
爲之後者於情何以自安爰弗復以不文辭而謹卽

其所述者傳之以垂不朽云

皆

嘉慶歲次丁丑菊月中浣

族孫升拜撰



63

登易司氏七王宗譜
卷二
二
日長意參

皇陽周氏十年宗譜

卍林公傳

甲辰重修



肅崖周夫子傳贊

并序 康十二

格雖生也晚然執經親炙於先師之門最久明知
盛德懿行固非詹詹小語所得傳其萬一茲緣續
修家乘世兄輩又殷殷請命爲先師立傳第自愧
謏陋再三固辭辭終不獲爰於青燈靜對之下緬
想流風之餘追述大畧旣立是傳而并系之以贊
焉

先師諱作豐字駿聲號肅崖家學相承世授一經聞
少時讀書蘿山之麓鑽研經史輒廢寢食必直挾其

旨趣之宗而後已其平居恒語人曰學者行文必須
尋討聖賢義蘊要歸切實不然雖揆藻春華無當也
歲辛巳分司佟公奉委來署暨篆值歲試拔置案元
學憲姜大宗師按臨絳郡卽補博士弟子員而次年
科試遂食餼焉閱三載佟公又具書聘請先師膺西
席之任先師循循善誘子弟輩咸克恪遵師訓今則
置身通顯登仕版者已久其後友教四方從遊日衆
凡經先師口講指畫採芹泮沼貢樹分香者纍纍有
鷺湖鹿洞風及庚寅撫憲黃大中丞考試觀風拔取

全浙第一謝謁時格外獎賞有國士之目以故試牘
一出爭相傳誦洛陽爲之紙貴又移文來暨仰邑尊
霜鏘卜公延先師於城西大雄禪寺旆主講席者數
年繼邑尊趙公邱公復聘請於永壽山房一時門下
知名之士更僕難數識者擬之狄門桃李奚多讓焉
嗚呼如先師者範仁模義規風矩雅其德器之凝重
如此意必驥首皇路黼黻廟廊建鴻猷而樹偉績名
竝鼎彝勛勒旂常直意中事乃竟連赴棘闈屢試屢
蹶而僅得策名成均終老明經是可嘆也先師平昔

著述甚富諸子百家四書五經各有註疏而尤加意者在義經四書宗旨要畧兩書惜藏之敝篋尙未雕版公世吾黨與有罪焉世兄五大世兄連三年未弱冠卽遊庠博雅閎通文藝而外兼及詩賦雜著儒林羣推祭酒餘皆僮不羈穎異過人均克家令器也古人云爲善無不報而遲速有時此理之常也以先師之盛德懿行而食報止此意天之報施其有或爽耶抑不報於及身而彌昌彌熾將報於子若孫耶是可以卜天意之有在矣格沐先師教最久雖迂疎鈍

拙不諧於俗亦得托業書史授徒四方幸不爲當世
有道所棄置皆先師之涵育薰陶有以賜之也故雖
言之不文絕不鋪張揚詡而醜縷其大畧如此昔後
漢蔡中郎嘗有云邕生平作銘傳恒多慚德唯作郭
有道傳庶無慚焉嘻格今立是傳以傳吾先師肅崖
夫子也將毋同

贊曰蘿山峩峩浚雲千尺浣水湯湯流波今昔先生
之德如圭如璧先生之風奕禩矜式

昔

族兄澤山公傳

康廿九

傳何爲而作也自賢能不上書月旦無鄉評而傳有焉傳固所以闡潛德發幽光者也方秋九月旬一室齋居聞有足音蹙然乃族姪彥封者遠來密叩之知修譜將成欲爲大父立傳而借言於余余竊自喜曰有是哉余於桓譚之稱楊雄而知族兄澤山公之必傳也久矣蓋人無氣節則品格不可傳人無學問則胸次不可傳有得失心則度量之未廣而亦不可傳有矜張心則俗見之未化而更不可傳兄持身梗介


忠厚一見趨炎阿世動輒去之若免居恒喜讀書幾
乎無書不讀善誨人亦無人不誨凡有就正則舉一
席話言儘賽十年誦讀擬其文龍韜虎畧直堪破壁
而去無奈數商不偶行且五十突於除夕夜半夢中
報捷指名按之則周振也後果驗亦咄咄異事然而
雖有小就終無大伸屢入棘闈三戰三北豈非天哉
先常習舉子業亦兼曉百家事醫國之妙濟人最廣
更足以補天地之憾而叅良相者噫其節介何如其
學問何如其無得失心何如其無矜張心又何如品

格可傳胸次可傳度量之卓越與俗見之悉化蓋無
一之不可傳然則昔稱楊雄書而譚曰必傳今述族
兄行而余又將借言於譚也兄生康熙己酉正月初
十日午時諱允成字澤山號月池享年七十有五卒
乾隆丙子四月二十三日申時原配何氏生子迪潢
迪澄早世繼娶錢氏生彥封克繼乃翁世澤馥馥書
香以啓後嗣其昌大正未有艾云爾

昔

乾隆歲次庚辰十月之吉

族弟禹甸拜撰



霜赤周翁暨邈孺人六秩雙壽叙言

康三十

椿庭日暖萱室風和萊袖絲班潘輦昇穩兕觥斟處
香聞長樂之杯鳩杖扶來秀挹恒春之樹從來食福
必歸積德之門庭自古成僊卽屬修身之士女寧唯
劉劉伉儷盡室飛昇鮑靚夫妻闔門得道也哉如我
霜翁周親翁先生派分鞏洛系出岐陽代有各人家
傳耆德逮我親翁溫厚和平䟽通知遠條侯柳細風
標嚴重風裁茂叔蓮芳遠紹淵源家學一襟秋月滿
座春風飲公瑾之醇醪斯爲過矣撥伯仁之金印詎

有難哉無何而運際亨屯遭逢否泰弱冠失怙長抱
風木之悲枕塊靡瞻永切雲天之悼睚眦世路撫諸
弱弟以成材睥睨人情保厥家門而更大泊乎操行
堅卓醞釀深醇懷寶邱園蜚聲庠序固謂鵬程九萬
鴛序三千無難奮翮而昇聯鑣以慶詎期屢鑿文戰
竟屈孫山撫流水以疇憐奏凌雲而莫恤此雖盛美
中之失意要皆世軌上之恒趨也爾迺政施門內爰
撰家人庭集慈烏園生孝筭萬石君門風肅穆許子
將月旦評高於是寄錦情于霞外暢嘯咏于風前茗

梳詩筒賦侔潛夫之論棕鞵桐帽樂行地上之仙况
復鮑家車內咸頌少君梁氏案前羣推德曜蓋我親
母邊氏夫人者孝廉維寧公之孫庠生摺伯公之女
也夙爛壺範五經笥腹之裔从號禮宗四傑蜚聲之
胄自鹿車對輶卽鴻案相莊劃荻和丸相夫還以教
子算籌剉薦司饋實以持家兼復孝行著聞善得尊
嫜之志慈心徧逮恩流強近之親以茲內助之賢相
厥宜家之道是以噓其善氣早覩鳳卜之昌扇厥仁
風益兆駟門之大詒謀孔遠庭羅四葉之芝堂構聿

新簷拂五枝之秀誠哉清門盛事展也仁里休徵茲
適鮑母花甲之已週正值龐公覽揆之初度懸弧尙
左卽今巧夕初旬設悅從西昨歲杏花中浣籍長生
之枕慈帷旣益算一年傾延壽之杯嚴父亦籌添十
月同介春酒共卜冬初采葛洪丹井之砂相矜愛日
斟酈縣菊泉之水滿室承歡竹裏雙妃齊翻寶瑟橘
中八叟共擊雲璈僕也地鄰通德之鄉邾聞魯柝居
隔集賢之里蛙仰雲雷緣以竇氏三男實我小阮妹
倩骨性清劉文章灼爛拂漢摩霄已悉燕山五桂雕

龍繡鳳更羨邳林一枝迺因介眉而授簡遂命戚末
以陳詞用是濡毫敬觴華祝庶幾九嵎峯前永秀萬
枝之瑤草五指山下長開千葉之琪花

特簡山西試用州縣原歷任

河津趙城
芮城靈石縣知縣

年家姻眷弟王宇清頓首拜稿

甲午科舉人特授嘉善縣學正堂

眷姻弟趙 驥頓首拜

甲午探舉人徐

年寒則養康王守

林嶺山西為

刻之無草

其利歸

踏



宗兄霜赤翁暨邊孺人七秩雙壽序

康三十

蓋聞千仞之岡基於址厚百尺之榦植於根深萬頃之滙澤於源遠凡物之興也莫不由微而著而興之盛也亦將有開必先然則人之應福於天也豈偶然哉天之以壽福人而人獲雙壽之福於天也更豈偶然哉維吾霜翁伯兄先生孝友家風文章世業立品則年高德劭行文則駿逸清新縱未遂鯉尾之志而蜚聲膠序允堪領袖人文者矣淑配邊老安人吾嫂氏也長于伯兄一歲文學戩伯公女孝廉維寧公之

孫名門淑德卓卓賢聲昔稱德曜少君寧多讓耶篤
生五子媿羨燕山自長暨四聯升覺序五姪學璋與
小兒兆亶在今夏同掇芹香觀德星之聚於一家雖
功名初在發軔而其興也已勃焉已兄自先世卜居
邑之東南鄉宅負五指山山如旌如戟如天馬行陂
鵲溪之水其自東南來者環拱宅前如祥雲之捧如
鞶帶之圍山川之秀異常用是鍾吾兄之耆碩而五
姪之挺芳競艷也洵嶽降崧生非虛語與雖然豈第
山水之靈也乎哉伯兄之好德也如此嫂氏之內助

也如此則積基於方寸者其址厚矣培植于門內者
其根深矣匯澤於夙夜者其源遠矣二老獲福壽之
徵五子列宮墻之秀亦微而著開而先者耳他日者
柏榦雙雙婆娑於雲日之表崑岡片片珩璜于瑤島
之廷而台潭之涵濡發育飛騰升躍于萬頃之滙者
又孰得而測其涯涘也哉弟向者叨薦鴻博謁祠晤
言于今數十載矣客歲命弟長庚加額宗祠登兄之
堂覲兄之面知兄懸弧之旦菱芡獻寶於庚秋嫂氏
設悅之辰杏蘭攄香於巳歲而五姪並稱觴于橘中

者蓋雙而得壽壽而得雙故留其有餘不盡者以壽親也吾


皇上引年尙齒憲乞優隆俟兄期頤上壽為捧

龍章以示寵錫乃益信天之所以錫福與有德者之所以

膺雙壽之福也弟亦願以有餘不盡者聊侑一觴云

名試博學鴻詞 日講官起居注 內廷直入翰林院

侍講學士族弟長發頓首拜撰



霜赤周翁暨邊孺人八秩雙壽序

康三十

余伯兄維勤自隨霜翁覺序遊稱至契也余小阮式南又與諸嗣君交最厚故每得於嵩呼華祝時躋堂拜謁焉而六十壽有北野趙先生天一王先生頌七十壽有蘭坡周先生頌其行止之詳於素者余不敢贅今翁與嫂老夫人頌八十矣余雖匏繫一官誼難以不文謝而所願言者余兄余姪嘖嘖指數翁弱冠失怙遵母氏訓卽操家政和昆季睦族黨惠厚下於親友往來一接以痾瘵休戚之念尤不敢墜先人緒

少閒潛心經籍游藝文場無何三戰棘闈未申厥志
翁曰此非予之不欲乘風破浪也幸子五連袂宮墻
書香事有托矣翁所以第身考課親朝夕把酒論文
作騷壇主盟狀焉而嫂老夫人尤足賢者常舉眉案
時顧子若孫而喜曰夫子之春秋高矣氏亦得偕老
子生子孫生孫已五代繞膝藉令一子許國將出而
圖君者其得有家庭之樂若是且公道難欺探風者
一以鴻光大輦贈一以膠庠碩德推知年來無遺行
與夫子可不必再誦武公之抑戒羨燕山之義方也

此皆老夫人之觀理明問心無愧而然余於伯兄小
阮津津道及輒不啻飲醇子不云仁者壽大德必壽
以霜翁邊老夫人之仁且德壽固其分內事詩不又
云壽而富壽而臧以霜翁邊老夫人之仁且德將不
第壽爲分內事也矣矧我

朝崇年尙齒則

龍章之錫於庭坊表之豎於里直指顧間爾時予得趨蹌
其際亦與有榮施二老者不復爲周之大老也哉謹
序

賜進士出身

誥授通奉大夫

欽命江西等處承宣布政使司布政使前提督江西學政

年家眷弟湯聘頓首拜撰

又贈壽聯一首

經袖咸推踪鄭氏

蒲輪會看駕申公



親翁霜赤周公傳

康三十

人有恒言皆曰難能可貴予以爲難在能則雖難而猶不難惟於其中有爲人所不可能者斯爲真難斯爲可貴然聞之者必非之以爲余無故而發大難之端也請嘗按之問今人其有能早歲廢書日理家政覺宮忽報捷於中甸大有亦並臻於將來者乎曰不能也問今人其有能同支操戈異地奔告犯焉不校而甘讓三分相爲排解而弗利半毫者乎曰不能也問今人其有能樹長分極物蒙思教平分所蓄忘嫡


庶於何有相得終歡迄白首而無間者乎曰不能也
問今人其有能夫婦其順孫子其昌椿萱並榮乎八
旬芹藻交映於五桂者乎曰不能也余及見矣見其
不沾沾於書史而泮遊矣名不可能也一難也見其
不汲汲於錙銖而家裕矣利不可能也二難也見其
非禮相干而包容無疆度量不可能也三難也見其
調停周匝而體恤倍至品望不可能也四難也夫且
分財析產而志期於和能姜氏之所共能而人不果
能難之五也尊師重傳而敬要於久能晏子之所獨

能而人不再能難之六也而尤難者在夫夫婦婦子
子孫孫夫婦可能夫婦而齊眉不可能齊眉或可能
齊眉而自耄自耄者頤百年萬萬不可能子孫可能
子孫而蕃衍不可能蕃衍或可能繁衍而爲麟爲鳳
飛將文壇萬萬不可能猗歟休哉舉人世之所可能
所不可能所一二難能所千難萬難而必不可能者
統而屬之則其人之貴莫貴於此矣其人爲誰諱允
裁字霜赤號挺峯行康三十配邊氏子學瑚學琦學
璉學瑾學璋暨陽邑庠生也

昔

大清乾隆歲次庚辰冬十月望日

年家眷姻弟王宇清天一氏頓首拜撰



Faint bleed-through text from the reverse side of the page, including characters like '年家眷姻弟' and '頓首拜撰'.

銳赤周公暨楊孺人合傳康三十三

暨城之南泝江而上五十餘里有山面江五石嶙峋
參差如列指曰五指山山之陽汝南周氏居焉系自
濂溪公紫巖遷居至銳赤公二十三世而族益大公
諱允城銳赤其字父脩六公母王孺人脩六公四子
公其次也公事二親能不違其志父歿事伯氏霜赤
公如事父伯氏旣委身于學家事一以屬公公性嗜
書以家羈不得竟其志遂佐伯氏延名師督其二弟
四子羣從子再從之子於學一切米鹽瑣屑錢穀出

納之數則身任之婚嫁賓祭諸大事則稟於伯氏承而行之故伯氏既得優游于文史而子弟羣從亦皆踊躍奮迅日淬月磨以自見其材周氏故以詩書世其家至是益振今其一家中庠于郡邑者六人貢子成均者五人不於其身於其家公之志於是爲不負矣公佐父兄起其家公配楊孺人亦能承公以植其家公卒年四十九孺人少公一年方是時幼子僅十二歲三子僅十六歲仲子出後其季父惟長男始娶婦耳女子三嫁者一未嫁者二孺人室其二子皆名

家女二女皆歸爲士人妻無有失時違禮者公歿甫
一二年而長子迪汶沒幼子迪潛三子迪澣亦相繼
歿孺人率其子婦朝夕紡績以供婦職婚嫁教養其
子之子女人無失所家日以裕孺人後公二十七年
卒卒年七十六孺人浦江之葉塢人父諱 兄四人
皆儒士孺人夙聞論語孝經內則之訓于其父兄故
所行多可稱云周君迪淵公仲子出後其季父者也
命其三子枋笈從余遊余因得公與孺人行事之詳
爰次之而爲之贊曰 業業指山公家其麓羣從濟

濟三謝二陸材無我羸數則我縮譬彼澄膠維公藁
 麴公侍寢門歡增水菽公篤同氣荆花簇簇堦前有
 蘭閨中有淑其淑維何戈雁挽鹿公既云殂衆雛誰
 鞠孺人承之令終有俶譬公建基孺人卜築仰止高
 山五峯矗矗

峕

乾隆歲次庚辰十一月上浣之吉

眷晚生楊文光頓首拜撰

星翁周老大人六秩壽序

康三十四

蓋自細縉降秀翁闡資華山川遂洩其磅礴鬱結之
奇地靈人傑豈虛語哉越之名勝甲於寰區而吾暨
在其南若耶勾嶧風流千古最南則爲五指山焉僊
掌摩空金莖凌漢龍旂獅嶺掩映欽巖浦陽華川兩
江環繞左右精氣之所鍾將於是乎在而脩大德享
遐齡者莫盛於太翁翁之先系自濂溪道學淵源世
有令聞與叔子九代清德稚春七葉儒宗後先相埒
極盛者難爲繼而翁也學總百家識貫三畧表百尋

而波萬頃少爲士林中圭臬比長而選成均則霧能
蔚豹雷可燒龍儼與球圖並價矣翁惟是恬於榮名
耽竹林攀桂樹良背冰心高風翩然而遐騫其持已
則凜如秋霜其與人則藹如春日其循謹孝友則純
如金而溫如玉而且解推不吝善爲人排釋閭里輒
就曲直退無怨言至其治家訓子則一以涑水紫陽
爲法故肅穆可風登其堂咸嘖嘖嘆羨低徊不忍去
語不云乎是亦爲政翁其有焉昔太邱長造季和父
子於是德星爲之聚若翁之棣萼續紛芝蘭馥郁天

麟野鶴玉立亭亭山川秀氣萃於一門以視荀陳又
當何如耶前有光後有耀純嘏膺眷如玉瓚之引黃
流琴瑟之和鐘鼓皆鍾毓栽培之理所必致彼琳宮
璇室何足爲翁侈而丹砂白石何足爲翁夸哉翁今
特杖鄉初度耳長嗣君已健翮蜚聲佇看鵬搏九萬
翱翔乎楓宸蘭省

寵錫承恩直指顧事也歲壬戌之孟陬屬懸弧令辰
忝在戚末正圖躋堂稱祝適以禮闈之役不獲恭進
遐觴而翁從茲融精乎天地之爐擢萃乎流峙之華

其壽身壽世者正未有艾岐且得以聯班而頌嶽降
嵩生之章以為岡陵之祝焉是為序

王子科舉人眷晚生樓卜岐頓首拜撰

[Faint bleed-through text from the reverse side of the page, including characters like '王子科舉人眷晚生樓卜岐頓首拜撰']

星赤周公傳贊

康三十四

公諱允獻字星赤號岑樓姓周氏世居指山之陽昆
玉伯仲叔季美備者四公鴈序居三幼讀書期遠到
年未弱冠遂居父憂克盡士喪禮僭兄立業增其式
廓具營幹才年二十有一身居成均其事母也居恒
問安視膳謹敬不怠寢疾則躬親湯藥不交睫不解
帶越旬月如一日其處昆季間最篤友于庭無間言
姜被田荆不是過也晚年以食指之繁家政之冗見
後昆克自樹立始析箸焉其處里黨遇嫺戚慈惠之

仁周卹之義口碑在人迄今猶昔其持已也以敬其
與人也以和其繭絲保障有創有守其燕翼箕裘可
法可繼其嗣晚然隆師親友素有遠志年四十有一
始舉丈夫子命學就傅修賓主儀有古人風厥子學
成行立識者咸以爲報云其憫疾痛嘗以岐黃濟人
義不受酬我邑周氏最盛旣庶且繁喬遷若碁置星
列於郊原林泉間者甲於全暨凡謀爲饗祀妥侑者
各有家廟而統承於邑治南門內之大宗祠公嘗爲
之捐造堂扉其五指山村居舊無專祠公又倡爲義

始獨成寢堂五楹其敬祖孝先又如是者其治家節
儉平恕雅慕張公之百忍終公之身不見長吏澹臺
氏非公不至公則雖公亦不至余至五指山公逝世
已十有六七年矣余嘗以不獲親丰範爲恨然登其
堂如見萬石家風知其植根者深矣享年六十有五
德配袁氏生一女繼郭氏無出又繼張氏生一子名
學璠太學純修士也余別有紀述先是繼冢兄次子
爲嗣諱學琦膠庠俊秀與余同庚生一子先公逝世
文孫五長公瑗所繼長男後也國學生學璠子曰千

齡遐齡崧齡錫齡皆麟鳳之姿有德有造者器也因
得例及之以誌公之有後云爾

贊曰閱世生人閱人成世世道所以有盛衰升降之
故者雖曰天命實人事為之也人事慎所修不為世
運憂惟得人人如公者以遊於世雖謂文武成康之
治至今存焉可也

昔

乾隆歲次庚辰十月上浣之吉

眷晚生酈維孝頓首拜撰

康三十四公家產祀產分析記

附康三十四公傳後

家產闡單

余弱冠失怙相爾伯叔撫理家政光大先業各居後
備竭辛勤幸增半有餘緣得子甚晚先繼長房次男
學琦爲子後生子學璠雖各業儒但吾年邁力不能
支相邀親族將所置田地立爲天地人三闡暨典當
銀兩一概三股均拍學琦得一學璠得二各相允洽
嗣後照單承管毋得紊亂維冀難兄難弟兩相扶持
克儉克勤大增式廓庶不負余創業之意也執此存

皇陽周氏全宗言
康三十四公分單
甲辰重修

照

乾隆九年九月

日立父星赤

見族長崇階

達四


伯霜赤

叔禹乘

堂弟紹亶

姊夫袁掄元

兄學琦



祀產議單

弟學璠

立議單親族倬如武園等爲承先諭以杜後累事今緣康三十四公遺祀產貳拾貳畝零祀孫林木與千齡兄弟等各承先志並無齟齬但細玩分單與譜牒不相符合恐啓異日之累爲此會同親族酌議仍照先諭分產派爲三股林木得一千齡兄弟得二兩相允洽至袁郭二祖母祀田照舊管業嗣後各爲祀產以作後世承祭之費立此永遠存照

乾隆三十四年十一月 日立議單親許倬如

伯叔武園

舜川

宗瑜


宗瓚

長房林木

次房千齡

遐齡

松齡



秉筆族叔懋積

錫齡

曾祖康三十四公艱於後嗣不得已先繼長房次子
寧三十二學琦公爲嗣後生吾祖寧九十五學璠公
因年邁不能理家政將已產析爲三股長房繼子學
琦公得一拍田壹伯伍拾捌畝有奇其典當銀兩視
此次房吾祖學璠公得二亦如前式至乾隆三十四
年曾祖與祖逝世大伯父操理家政二房共立有祀
田貳拾貳畝零又不獲已分作三股長房孫林木公

86

分去柒畝有零次房孫卽大伯父昆季四人分田拾
 伍畝有零今其闖單議單現在翰恐年久湮沒命侄
 承休等登諸宗譜一以示弗敢忘先人之手澤一以
 俾後人之諮故實者有可稽考焉云爾

道光廿四年歲次甲辰仲冬月吉日

曾服州次房曾孫

之翰
省交

元孫

承欽
承休
承功

同百拜謹誌

承治

飲賓芝田周公行畧

康四十一

是歲九月之望郡大夫設載執醕以賓飲之禮其時
三老五更備位東序有芝田公者策杖雍容冉冉徐
來見者僉以爲矍鑠是翁擬之羲皇上人不是過余
以戚交待隨叨從末光因卽舉賓興之會稽古引年
之例而欣爲之紀公名允成字用九號芝田世居青
山之麓周氏望族也襟度汪洋丰神灑落孝友振於
宗黨剛方評乎鄉曲而且豐儉兩宜仁義兼施其德
行有素著者吐一言不虞詐決一事不詭隨時而談

古簡且有味時而論今婉矣切中其善言有足法者
俯仰慷慨蕭然自得樂行地上之仙幻作山中之相
其疎疎落落敦厚惇古歷有可探者夫遡其德行五
帝爲憲領其善言三王是乞詳其敦厚惇古疎疎落
落而垂之記述不有光惇史乎哉余將爲公推而上
之于虞則上庠下庠老也于夏則東序西序叟也于
殷于周則右學左學東膠虞庠坐上翁也方且而深
衣而縞衣而燕衣而元衣四豆五豆六豆而恩賜之
無窮然則今郡侯之設戴執醕其卽爲古

天子之適饌省醴也亦無不可公德配姚氏內助有賢兩
儀合焉生丈夫子箕裘有紹四序昭焉甚之蘭孫郁
郁玉立亭亭尤足補耆英會上之所未及九老圖中
之所不有者耳余於載筆之下忻慕其何極耶

昔

乾隆二十五年歲次庚辰仲冬之吉

郡學廩膳生蔡本莪拜撰

神聖二十五年歲次庚辰仲冬之吉

昔

女德不肖皆耳念公勳華女不測錄其尚德

增至立亭亭伏且麻膏共會士玄河水其水關中

歸公歸士女天下其德官以山有輝登越之南嶺

入不文臨野野山亦無下可及歸州池及內山有寶

蘇學軍湖生樂水



從叔祖康七十公暨叔祖母趙孺人合傳

從兄大瓚以乃祖翰才公暨祖母趙孺人傳詢余余以不知行實辭兄乃正襟而言曰吾祖諱允秀字翰才行康七十好讀書屬文下筆千言壓服儕偶故外太祖例州同趙將一公以吾祖母偶焉奈以椿萱之萎致荆棣之分拋荒筆墨經理家政以蓄畬書田待補於兒孫未協熊羆之兆先占蛇虺之夢大姑居長庠生蔡士瑜元配也繼得二姑乃由太學生以入郡筵大成鳴徐國寶卽東牀坦腹者終得吾父課以舉

業濡首螢窻掉頭雪案惜陶陰而焚韓膏一月得四
十五日可奈未登桂籍卽註仙籙慈母亦隨卽逝世
卜子喪明敬姜夜哭吾啼呱呱尚無知識祖父以哀
傷染疾蓐食幾載祖母日常不交睫衣恒不解帶調
治藥食得保餘生寄撫字于二姑吾之成人二姑與
有力焉此則啣結之所難報者矣洎祖父疾痊吾亦
成長始歸冠娶爾時祖父之訓與昔之訓先君子者
無以異緬想其持已也克勤克儉然不瑣瑣作孔方
癖其待人也 不濫交亦不戾俗但不似阮步兵作青

白眼者至於重親友禮師長一以敬相始終故得白
首如新逮乎晚年族以爲長一言而是非曲直立判
行年七十有一而卒祖母八十七而卒迄今吾雖無
似而三子一孫尚食舊德祖父母之力也余爰搦管
以識之

昔

乾隆五十七年歲次壬子中浣之吉

姪孫 藩 謹識

洪武二十五年歲次壬午年

世


恩

而三十一

年二十

首

丁



從叔曉昇公暨何孺人合傳

康八十六

周禮九嬪掌婦學以德言容功教所以成順也不知者動謂女子以無才爲尙豈篤論哉蓋端婦道之本在德十年所以立婉婉之教而濟婦道之窮在才巾幗所以表丈夫之目曩者從叔曉昇公爲人仗義疎財恬淡寡營見有規規塵務者輒引去夷然不屑就意以黃金滿籬不如教子一經差得韋賢之遺風者年強立即僊去遺子一未弱冠女一未及笄爾時亡者無以成禮存者無以爲生爲孀母者使徒謹守孀

閨置一切家冗於不問其何以承先人而善厥後哉
惟孀母審之稔矣其操家也克勤克儉經營百端幾
三復敬姜勞逸篇其課子也橫經負耒約束嚴明亦
不下孟氏卜鄰意而且待上接下睦族和鄰一衷內
則而且稅糧徭役之來前悉悉善自調遣絕不至有
累事今厥子行成業立家室亦日溱溱視余叔去世
時相什伯焉是則孀母之才有足多而適成其德者
也若其矢志堅貞之死靡他則又有高祖母宣夫人
之遺烈者詩所云嗣徽音其是之謂與孀母姓何氏

名門賢淑卒年五十有八子一廸濳敦厚醇樸不走
時炎而殊有古風女一鳳冠字何姓孫二長毓楸業
儒次鳳池在襁褓生而穎異其浸浸日盛者固嬖母
保全之力居多而亦余叔積善之餘慶也夫

峕

乾隆二十五年十一月望日

從姪學璋拜述

神烈二十五平十一以終日


曾

洽全之八萬卷而亦余對蘇善之特強出外

瀚寒嶽斯其際嶽坐海際其其對對日盈香國對對

湖空有烟昏古照空一風吹空何秋海二氣盈嶽業

谷四對那平平五十有八下二賦蘇神氣嶽下衣



指峯周公六秋壽序

康九十

自古奇士胸次之閎深以眼界爲推拓而精氣之凝結卽以胸次爲葆聚其福澤之悠長亦卽以精氣爲綿亘昔太史公曰余嘗西至崆峒北過涿鹿東漸於海南浮江淮此其見彌廣識彌定年彌邵性彌摯也非有得於山川風土之助者深歟予七兄外父指峯先生者稟性昂藏襟懷浩落不屑屑於雲程事業每開卷有四方志旣而陟泰岱履金臺溯滹沱而升朔嶽排潼關而躡西華復至終南覽嵩高之勝入漢中

泛長江之波甚豪舉也自倦遊後整鞭歸里恣情歌
嘯曠如泊如時釣弋時琴書與二三知己飲酒高會
時咄咄有奇氣翁所得助於山川風土者又何減太
史也哉今甲歲仲陽乃翁六旬大慶覲忝親末願效
春觴因應試京闈不獲躋堂拜祝焉春寅月七兄來
太學肄業得晤京邸且曰外父懸弧在二月以外弟
卜吉小春當三星之照誦九如之章爲週甲一快事
余將爲外父壽而未有以言弟其爲余外父壽覲曰
翁爲人叙天倫厚宗族蠲資給乏惠愛靡勿周鄉評

里碑往往而有更奚煩余贅爲顧其胸次之過人必有以綿其澤者余亦將以一言爲乘章先也敬賦四韻以侑霞觴

佺橋鶴侶協滄洲花甲剛添海屋籌翠嶂屏圍高五指玉書圖燦列雙球竒情太史三山路豪氣元龍百尺樓遙識稱觴瞻拜處白雲流水紫霞浮

昔

乾隆十九年歲次甲戌應鐘月上浣之吉

癸酉科舉人眷晚生趙南觀拜撰

前至十八年...

皆

只懸...


...

...

...

...

...



從叔指峯公贊

康九十

澧水之南指山之麓有田高土肥池深木茂一區其
編戶外悉長松美竹是卽吾十世祖故里也今其地
多醇風終歲不聞有入訟廷者余意土俗固足移人
而鼠牙究難全泯何茲土之多長厚耶必大有人焉
爲之潛移默化也叔挺峯氏文行夙爲人欽仰年耄
不樂牽世事厥弟指峯翁少余一歲老成敦篤抱經
濟才而優游下里憶其不事舉子業後走燕京旋攀
泰岱臨黃河而慨想大禹之明德足跡所到數千百

里猗歎心胸抑何落落膽氣抑何堂堂睥睨幾遍乎
大地而爲青爲白渺不自知其爲狂獨非其氣之盛
歟而今者若韞輝若歛踪若與泉石有夙契若視風
塵非佳境侗侗乎其欲自遠矣意其閱歷深故知世
皆幻境涵養至故欲我作閔人然而姓名不敢爲其
知者卽是非之樂其剖者爲徐徐出而排釋之使兩
兩渾忘而茫不知爲誰之功茲土之獄訟獨鮮者職
是故耳翁每愛臨佳山水領其天趣絕不入堪輿家
數每愛讀古人文却不屑屑雕虫小技每愛清酒自

適而醺醺輒止抑若得力于古家誠者獨至余以譖
事來茲見翁勤于所事加意宗祏者倍厚爰得日親
其丰裁聆其笑語樂爲之贊以誌景慕之私
贊曰氣逼風雲不自爲訐才堪盤錯常自爲愚人爭
逐逐我獨于于疎狂磊落吾得真吾閒耶含飴忙逐
提壺心儀其品珍若東珩

昔

乾隆二十五年秋九月上浣之三日

姪易乾頓首撰

允有周公傳 康百七

公諱允有字賢聖乃顯翔公子也幼習舉業卽解大義緣椿護已老墮篋無吹遂拋荒筆硯經理家事勤以開其源儉以節其流卽不役役利藪而支度常裕不貽父母以掣肘之憂尤盡心于事親嘗謂吾寡兄弟而服勞奉養倘或有歉則有懷二人能報罔極於萬一乎故自生事以迄死葬靡不盡禮厥子三鳳鼎立催耕課讀外常以忠厚爲訓以翼子者貽孫故孫兒森列皆得忠厚之遺淑配趙太君才與德並克相

中饋鬢鶴髮而扶鳩杖堪稱華髮齊眉公之取與也
 法莘野道義之衡處世也仿柳下和同之節即以非
 禮相加而公坦然能容故忠厚之稱口碑常傳年當
 古稀之餘蒙

聖朝養老引年之典得給衣鼎亦德之獲報也今周氏修
 輯家乘厥嗣請傳于余遂秉筆而為之傳

昔

乾隆五十七年歲在壬子冬十月中浣之吉

邑庠生盧華國拜撰

從叔康一百廿四公贊


公性行純篤中抱自出尋常風格不瑣瑣治生產并不問覓蠅頭作錢癖者之計洵何爲者也每事多循夫性之所樂而任運推移隨所在見其有所自得業農一邱一壑間視生理抑若有餘裕焉教子則動息督之儒行青紫姑聽之與族并蓮翁論交最篤蓋其敦厚周慎者相投契焉然一則動當道之採訪一則甘林泉之清幽其趣又大有不同故公惟催耕綠野課讀黃昏夷猶徜徉以獨適其適爰爲短歌贊之歌

曰羊裘脫落兮竟着簑衣鋤雨東臯兮摘花而歸笑
彼少隱太自苦豈如我耕暇獨傍魚磯

豈

乾隆歲次庚辰菊月上浣三日

姪易乾頓首撰



岳父周大人暨岳母王孺人合序

康百六十三

岳父諱文林公暨陽指山周氏之重望也其地有山如五指清秀插天故名其族曰指山向多文人耆碩岳之懿行謹厚愿慤素稱月旦先登岳之幼也勵志詩書嘗以古人自期稍長分爨鬱鬱不能遂志太翁慰諭曰詩書良美其如饗飧不繼何岳默然久之應曰兒非爲筆墨癖也恨不出頭地無能振家聲耳爰舍舉業習耕桑勤以開源儉以節流自奉惟樸素訓子有義方取與祖空桑道義之衡涉世學柳下和同

之步縱橫逆侵加而包荒有大度卽拂情制釁而制
馭有宏才蓋其生平所自矢者寧歛毋縱寧訥毋辯
深有得於老子退後一步之真諦也岳母與岳同庚
我浦王氏也溫惠任只夙嫻闡範奉翁姑則孝而敬
撫男女則慈而嚴不妄言笑專勤蠶織不惟相夫子
成家抑且母儀周氏者也性好施與嘗囑兒媳及孫
媳曰凡遇孤窘寧減食毋吝與是以鄰里貧乏受母
之惠者咸嘖嘖稱之茲者出園廣置堂構維新且琴
瑟齊眉芝蓮繞膝蘭桂盈庭行見光大其閭岳母與

岳不亦優游和樂享遐福于無既也哉予忝居館甥
稔知巔末故不嫌噴飯之詞而爲之述其梗概焉

昔

乾隆歲次庚辰十月上浣之吉

婿男宣天芬百拜謹撰



Faint, illegible text impressions, likely bleed-through from the reverse side of the page.

公聘周公傳康二百十二

同邑青山周氏子其梓從余遊一日請諸余曰生族
修宗譜有善行者皆得叙諸譜牒生大父行實亦不
可沒請先生傳余曰何如曰大父諱允珍字公聘曾
大父顯廷公子也諸大父凡五而大父居三自大父
年甫弱冠而曾大父卽棄世哀毀盡情無少失禮大
父遂棄舉業而掌家政是時家凡三百餘指田園未
裕而大父獨以身任之何有何無不以委諸昆季催
耕課讀求桑勵織外內井然家計日贏顧瞻庭除蓋

皆怡怡如也事會大母益勤視膳潔隨必以身親曾
大母輒語諸人曰身爲未亡人幸哉有子也會大母
年八十有一逝世喪葬罔不如禮所生之事已盡而
昆季亦皆抱子於是大父曰吾職頗不甚虧况家指
日益繁衰老之力不能獨支請析箸諸大父皆從大
父獨掌家計數十年而各爨之日平分外無私囊一
文閭巷蓋交欽云大父性孝友工於居積耕桑外輒
以近市得求懋遷有無故時得助其家之不給而其
誠信又足以感人市爭地也市猶善爭人也每當叟

號之時得大父一言莫不交相釋然蓋有以服乎其
素也大母郭太孺人名門女也上以事姑嫜中以和
妯娌下以畜子婦皆有以得其歡心大父之成家多
由內助迄今生家之飲食優裕倫紀肅然皆奉大父
大母之遺訓而然也瑣細之務不可殫述其爲大端
畧如此余曰是則可傳矣世之駟馬其門萬鐘其室
者非不誇耀人耳目然於根本之地未必皆能如是
也苟能是是亦足矣請爲君臚列之以附諸譜若過
爲誇張之言我不能亦不爲也

贊曰讀周書酒誥之詞曰純其藝黍稷奔走事厥考厥長肇牽車牛遠服賈用孝養厥父母夫一則曰事厥考厥長再則曰孝養厥父母則是匪特藝黍爲要務卽牽車服賈亦歸之根本之計經訓良不誣也公則勤課農桑而又不惜列三倍之賈其意總在率家人以養其二人可謂知本足掛之譜牒以爲後人訓視世之僅齷齪於名塲利藪者遠矣 昔
乾隆壬子良月穀旦

翰林院檢討眷晚一乘趙槩薰手拜撰

從叔祖康二百三十二公傳

公諱允玉字和璧行康二百三十二顯輔公季子也
早失恃怙與兄同處事之如嚴君事嫂如慈母自同
居以及析爨怡怡莫逆識者難之子擬馬氏五常家
庭訓誨一以勤儉爲準藝黍牽車不使片刻有閒幼
子令習舉業延師款友肅如也是以螢窗讀史雪案
談經時得與古爲徒其持身也凜黃老退步之訓所
以寧歛毋縱其待人也守魯直三好之箴所以矜而
不爭不屑癖於孔方而支度自裕丕基式廓撫摩愛

孫如謝氏堦蘭蔣徑玉荀延螽斯之慶繩繩揖揖正
 未可量淑配俞氏鹿車共挽鴻案共拍含飴弄孫洩
 洩融融倘所謂壽而康壽而昌者耶去臘之梢恩榮
 衣食亦大德獲福之一徵矣以公名高月旦望崇鄉
 評行將輝映乎賓筵而為鄉先生者意在斯乎

豈

乾隆五十七年陽月中浣之吉

姪孫 藩謹識

從叔父郡介賓康二百七十八公行傳

公諱允快字懌心

藩

功服大父自幼篤實醇謹潛心

舉業緣雙親垂邁理家政勤以開其源儉以節其流
故田園日饒而址基式廓方親之垂老也慨然曰古
詩不云乎人生非金石焉能長壽考椿護老矣求永
雞豚之養可弗習岐黃之術乎爰博覽內經等書朝
夕和丸散以進期以永年且出其業以濟四方微特
弗因之射利其貧弗能藥者恒出貲以拯之泊雙親
棄人間事留心陰陽揣摩河洛巒頭理氣洞然有見

簞笠芒屨賫鈔裹糧踏遍丹崖碧嶂閱盡虎穴狼巢
不忍以古塚後先希圖兆域不樂以新墳空隙尋覓
佳城所以幾費辛勤未獲佳穴繼乃於丁家山求得
美地以營夜臺而考妣於是得葬焉公掌家政數十
年愛弟一華髮後始析爨怡怡相視莫逆于心可于
在原之鵲鴿鄂韡之棠棣比之子擬王氏六子姪符
荀家八士或讀月銓風或犁雲鋤雨雖科名甲第有
待將來而禮教家風無慙此日孫十四人髣髴謝階
芳蘭曾孫四人依稀將門玉筍行將從以孫子未可

量也淑配嚴太君寓才于德壽而且康堪匹孟光公
之持身也寧歛無縱和而不同嘗誦老子之言曰退
一步天空地闊是以公之生平不濫交亦不戾俗門
無雜客塾有儒宗昔龍門贊李將軍廣曰桃李無言
下自成蹊公不求人知而月旦鄉評推許交集適當
古稀之載輝映賓筵之席府太尊姜開陽先生給以
額曰望崇朝野豈偶然哉於今七十有四矣 恩榮
衣食兒齒黃髮康寧健舉期頤猶未可限量德之獲
福理若操券焉 藩 親炙懿範不媿固陋識公實錄舉

凡義舉公事公所樂為非公所矜張故不贅叙

皆維

乾隆歲次壬子律叶應鐘中浣吉旦

姪孫藩薰沐拜識



